

近代詩鈔

十二

近代詩鈔

沈曾植

曾植字子培號乙盦浙江嘉興人光緒庚辰進士官安

徽布政使

石遺室詩話余與乙盦相見甚晚戊戌五月乙盦以部郎丁母憂廣雅督部招至武昌余先主督部所同住紡紗官局西院多相聚夜談往往三四鼓始睡索君舊作則棄斥不存片楮乙盦博極羣書熟於北魏遼金元史學輿地與順德李若農侍郎文田桐廬袁爽秋太常昶論學最相契詞章之學若不屑措意者余嘗語乙盦君耽史學吾亦喜考據其實皆爲人作計無與已事詩雖小道然却是自己性情語言且時時足以發明哲理及



此暇日盍姑事此君意不能無動因言吾詩學深而詩
功淺夙喜張文昌樂府山谷精華錄而不輕詆前後七
子詩學深者謂閱詩多詩功淺者謂作詩少也余謂君
愛艱深薄平易則山谷不如梅宛陵君乃借余宛陵集
亟讀之余並舉殘本爲贈其明年君居水陸街姚氏園
入秋病瘡逾月不出戶乃時託吟詠余寓廬相密邇日
夕過君有所作輒相夸示或夜半函箋抵余至冬已衰
然積稿百餘首又明年庚子之亂南北分飛此事遂廢
矣乙盦精熟佛典自喜其病僧行一首論詩宗旨略見
寒雨積悶雜書遣懷一首余言詩學莫盛於三元謂開
元元和元祐君謂三元皆外國探險家覓新世界開埠
頭本領故君詩有開天啟疆域元和判州部及敦興元

祐賢奪嫡西江祖各云云余言今人強分唐詩宋詩宋人皆推本唐人詩法力破餘地耳君甚謂然故又有唐餘逮宋興師說一香炷及強欲判唐宋堅城捍樓櫓咄嗟盛中晚幟自閩嚴樹各云云

丹徒渡江

海門日上曉霞開沙路盤紆首重回形勝豈因兵技改江山曾識霸圖來懸儀坤軸心全動燭渚鮫人淚亦灰堅固焦巖留片石瓜廬終與老山隈

寶塔灣

蕭晨煙未泮散舸趁輕鳧一往聞揚語重來識佛圖風微漁唱遠月淡曉光無行色兼悲喜沙頭問僕夫

贈周彥昇

昔聞周北張南雅今共吳味楚尾來名字黯然成舊故江山隨
分借嘲詼清秋高館霜華入白日黃河鬢影催肯放旅懷同寂
寞不妨散策小徘徊

舟發廣陵

歸程指烟水心與楚雲馳客久諳船理江清見鬢絲老慳筋力
用壯惜太平時鼓角中宵動江湖歲晚悲

雜題

榆葉乾青柳葉黃淡雲斜日蜀東岡秋心總在無人處坐看鳧
翁沒野塘

鹿車鴉軋上堤頭南去真州北楚州不是田間無下澤冷然誰
遣馭風遊

江湖祇是愛平流帆自從容櫂自柔至竟海門原咫尺浪花何

事白人頭

沙禽相伴過中冷塔鐸相聞替戾聲我愧布施無半果也隨宏
願喜圓成

江洲草長蘆荻肥江上女兒黃葛衣淮東秋冷淞西暖野鴨作
羣南向飛

獨坐鍾山喚寶公南行襟袖挾天風蒼崖白浪今猶昔八百年
來見此翁

燕湖有懷漸西

爲政風流地臨江眺望來極知文雅勝翻惜簡書催長策紆盤
錯蒼髯逸笑談朱雲終就召料理此樗材

小孤山

潯陽九派淪無蹟介石猶然立江磧峨峨高髻古嚴妝俗眼還

疑肖形拙大孤眇然湖中央小姑無端對澎浪楚人禩鬼瀆男
女楚客吟弄傳荒唐鄭亭之神風不颺江湖小龍閔威祥鐵輪
一轉世界換叢靈社鬼吁其亡匡廬南望山蒼蒼大湖雷轟非
余詳經師閒詁有違異估客指向增睚眦碧瞳老胡手幾尺室
有圖書諳地防嗟余四食武昌魚瞠目山川覆未識山神識我
故相迎峰不知名分外青風雨重陽占未改登高且上榭樓行

重陽風雨抵武昌

颯然風雨洒征衣西望江樓趁鶴飛攬拾落英隨楚俗嬾除行
李避周譏田園計左垂垂老舟楫身從泛泛歸長路定知何日
盡徂年眞信昔人非

曉禽

朝氣動衆禽檐端語喈喈我心感明發起坐與之偕萬籟戰清

秋意車軼埏垓吁嗟傲老人蹙蹙行何階徙倚就南榮陳編強
差排古人終已矣來世誠難裁喉舌詎有殊欣憎邈相乖近前
姑婉變視遠皆奇佻故紙諒難綜故言復何諧冥冥獨歸臥颯
颯嚴霜來

日入

日入燭代明軒窗吠琉璃交光羅幻影鏡鏡無成虧背舍有閤
虛衆芳斂暝姿微風定香過未見心先知視聽各有程晦明亦
有宜喟然念蘧生過闕停車時負杖立廣階西南望參旗出門
視路人各有幽求思摸象盲女愁煎膏智者悲清鐘鏗寺遠悟
了終何之

雨夜

短檠三尺光寫此寒人影浪浪簷雨聲衆響入孤警宵氣憺回

適羈魂逝超騁雲車與風馬見我城南景蟠藤翠髻矯樓檜亞
枝整遊子去不還陰蟲露階哽去國歲再寒清光洗眊寸心
肩萬念瞥眼造陳境擊柝在遙衢秋城四邊靜推枕起旁皇聽
鷄夜方永

城隅舍幽幽蕙楊與蓀壁鮮民過去身疇昔經行跡寸草不榮
春枯荻不承日病爲無告兒居是無依室殘夢不可思餘生幾
年畢

送陳廉舫

昔共緇塵作漫郎十年凋鬢各蒼蒼周人貴老迎扁鵲鄭圃聞
歌識季梁舊雨客中詒善藥征衣明日隔殊方夔夔我亦悲霜
露那不吳帆去共張

楚澤

楚澤昔賢蕉萃地日華川上窈停來病身更覺天宇窄老眼不
爲蒲柳哀蕩蕩江湖千念盡堂堂人物百年摧蔣山青骨懸知
記洹水瓊瑰有夢迴

趙森甫先德書冊

放士江鄉傳筆訣故家手澤綴叢編畫中意蘊無駮駝想見潭
思穿被年

包張傳法太平時晚見吳生最老師心畫總隨人代變江山空
寄舊閒思

梅道人墨竹

竹君風味出孤直檀欒晚節無矜持吳生盪胸渭川隘撲筆萬
梢生墨池舊聞江南鐵鉤鎖縣挽乃自顏張遺此竹千丈扶寸
耳折釵拆壁鋒端追至元文采襲延祐水晶宮有南宗師倪黃

吳家蟲蝕木密卯豈獨王蒙持神都昔覲夏山圖筆與元氣相
淋漓却迴鵬遊入蝸掇瘦莖滴露風參差墨玉蛻神五百年題
字澹與秋雲澌畫人去來擬丁个骨董頗得摩絹絲付與支郎
賞神駿驪黃牝牡坐忘時

石遺過談去後簡之

秋晚閒房窈糾思黃車五百夢占辭化神那必無天姊搏控由
來授幻師辛淡甘鹹都自可壙垠莽眇往何之看君布衲吹毛
起萬朶黃華入照時

奉呈石遺

孤雲與寒石郢路偶相將老斲知輪苦新斲得刃藏芥根松葉
味寒月大隄旁畫出陳居士披披布衲涼

答石遺

陵陽寫本費擘摩老屋橫街凍夜過卅載故心如夢見瓣香何
敢廢涪幡

懷抱東華惜壯年鵠鳴寥廓老悽然聞思只住安般地衣鉢諸
師莫浪傳

才語那教酬僨父小文聊可定丁生楚天萬里秋無際且著高
臺放眼明

漫守張爲主客圖旁行斜上破工夫白家廣大元無教得似韓
門變態無

失題

洗樹疏花盥晚香婆婆娑庭院已斜陽客來策事都無對病後觀
心亦自忘夕望片煙生野寺暝拋經卷偃胡床年來總覺情無
盡歸路那堪日轉長

失題

蠖屈誠何賴鵬口自不堪曉庭苔沁入晚牖日光含故紙身俱積陳人塊獨甘題襟虛勝想搖落向江潭

練魄

練魄苦不早悲懽同世情華髮垂素纓老逐行人行秋笛無緩聲秋蟹有哀鳴高桐百尺瘦霜月孤輪明黔羸居北陰命駕余遐征

月夕寄五弟

清風北陸來吹我梧上月石臺倚倒影零露在衣髮萬里羈旅遊三秋沈寥節黃華屈宋艷伴我張寒色流光若逝水利利不容揭娛玩此須臾行人想天末

初十夜月

微月出復沒暗蟲終夕鳴夜光收露靜深樹閃星明怪石盤陀
供商歌曳縱行赤藤吾至友危處不相傾

病僧行

病僧病臘不記年臆對或自風壇前蒙戎敗葉擁床敷支離痼
木撐風煙六師派別謬占度休糧恐是金頭仙毗藪紐天攝不
得首羅三目眙相看洗心竭來歸佛祖縛律非律禪非禪含生
大期百二十四百四病根荻全水氣爲瘖木氣瘡娥綠斧性裘
媒寒膏梁奧博物有致此理未可通窮療華子中年病忘久明
心晦惑來無緣假從毗耶示化儀不爾五行同人天婆娑世界
一音隔安有萬二千衆天龍八部相周旋檀闕失莊嚴忍虧無
強堅貪欲羸老基噴恚痰災牽得非夙因招現果突吉羅業雖
有懺悔猶沈綿給孤獨園崢嶸山雁王鹿女遊其間小花正如

普陀白高窟或是毗沙刊臘休雪嶺夏熱泉一瓶一鉢疲往還
或有造其關草枯木石頑九十六道諍研研六十四書文複繁
莊嚴劫過星劫未來恆沙譬喻不可罄像法五百盡末法三千
延病僧病久心茫然蘇迷廬山芥子小石女行歌木兒笑嵐風
撼松藤裊裊幻師善幻五色宣畫師作畫一筆圓瘦骨秋嶮
坼條條野鵲巢其顛後來合有稜伽傳

以繆篆分韻贈社耆

平生政爾無長物篆刻何曾累壯夫乞與君家助悠繆從心白
白與朱朱

詣太夷新居不遇歸後簡之

鄂州城南沆沕多具足荇藻葭蒲荷秋霜不嚴蘊潦縮鬱綠敗
紫盈池陂隔衢湫隘萬市屋行相其背翻委佗長烟宛宛西郭

突拭眼政訝雙偷婆鄭侯白鷗狎滄海蟠胸鬱律千蚪鼉卜居
面此一尺水汪汪千頃無由波朝來影瞥踏浪去高樓濯足吞
江沱峨舸大艫足快眼惜哉噫氣無由呵天西新月玉鈎摺朔
風嘔啞鳴鴛鴦扶輿相從約苦早買酒欲醉顏非酖人生實難
笑口稀凍野正可供婆婆新篇不抒會面左大冬如此松梅何
蠟花坼香頗蘊藉蜀茶鬥色矜妍娥冥濛霜淞稍濡瓦窈窕陽
燄仍浮河文辭自從兒女戲悲壯或動秋城歌作牋不聊矢詩
寫報章瘦墨晞嵯峨

以御窰雲葉瓶贈夕公媵以詩

萬物掉天運頡頏無定姿御窰二百年薪火靡停施燕市忽騰
踊貴人競盱睢軒然駕珠玉頓爾凌官柴研研康雍辨譏譏款
模稽器或壘茅差估猶百千隨姦民內府盜夷市囊橐資海上

萬金瓶桓東厲魂啼物妖志五行茲沴誰當推吾儕偶染指所得良殘畸式莫審年郎青况論蘇回去國兩飄蕭閔生一嗟咨龍焙元豐春鼓棹天寶思彼物瑣且頤託貴承平遺哀我萋楚民賤不五穀皮

長至節前三日

阿連別我秋風時南天雨雪今濳濳衡陽雁徂書不俱延頸迴望心煩逐念子行遊日安向醉歌誰與傾尊疊室幽體倦語誰屬塵籛幾疊曾舒排長安卜居待金布維摩方丈非輕諧城西泉甘市南鬧潭潭夏屋空盱眙朋肯臘鼓粥後搗影瞥心似凌謬臺此時獨行或念我園花正對滇茶開豈知我今抱寒石清愁不斷連環揩丈夫失身墜官路千年調遠小鬼哈鑄金不成學道左嗷嗷鵝雁紛堂階霜華攬鏡可憐白爛如孤月天之涯

長庚太白曉無色畢昴芒角高焯焯竄身政憂蠻芋蠻泛宅那
得杯湖杯百年人事老拘局兩地相望增哀駘虎兒作論準過
秦筆勢已騁阿房哀伯姬歸寧應話我楚山瘦與猿狙儕郭南
官衢築廣口出門君馬知駢跡關山萬重鳥道直寒衾思夢宵
千回窗光熹微乾鵲啁江湖或盪雙魚來

寒雨積悶雜書遣懷嬖積成篇爲石遺居士一笑

寒雲如覆孟漏天不可補曜靈避面久畏客牢鍵戶瞻霽江海
蒸氤纏霰霄聚閉關且何事臥聽簷溜汙斷續綴殘更啞啞
虛鷗失行雁濡翼際曉雞上炬水官厲威嚴雨師從呂鉅盡收
天一氣併作銀潢抒代雲不成馬衛竦空飲甌河亡九里潤海
溢萬家滬南朔相倚伏亢澤不均普物物固難量賤天奈何許
雌風四維來龍具不能禦了無喁于唱亦不土囊怒翁習慣投

隙披拂僅如縷俄焉目中曠忒若負尸症老妻頗多智裝棉劑
吳楚臧姘燕趙產縮朒甚饑鼠固知廣川谷實有異寒暑荆南
五月來炙熱劇烹煮伏金骨俱爍秋暴背其腐商飈一冷汰暫
得寬腸肚寧復此愁霖而兼濕寒茹不憂竈生鼃將恐血爲蠱
橘枳改柯實蜃爵紛介羽嗟惟人不化何用適風土狐裘故黃
黃掩形不如楮清川浴垢疥焉事資章甫西園蕃草木花葉故
舉舉蠹花實非梅滇茶詎能苦嗟嗟老楮樹占地凍不癩旁有
南燭實浪稱仙飯糈名雖疏藥錄味不廁菱蒟鮮鮮若新沐風
檻羣媚嫵茲族畏霜乾傲倖且濡滑寧知膏澤羸蠹蝟益孳乳
窮陰未肯釋蹙頰晞老圃陳君泥滑滑稅輿踐今雨幽室共槃
辟高吟忽揚詡長舒汲古綆高曠尅敵弩相君筆削資談笑九
流叙吾思古時人心鬥日迎拒程馬蛻形骸杯盤代尊俎莫隨

氣化運孰自喙鳴主開天啟疆域元和判州部奇出口恢今高
攀不輸古韓白柳劉騫郊島賀籍件四河導崑極萬派播溟渚
唐餘逮宋興師說一香炷勃興元祐賢奪嫡西江祖尋眎薪火
傳哲如斜上譜中州蘇黃餘江湖張賈緒譬彼鄱陽孫七世肖
王父中冷一勺泉味自岷觴取沿元虞范唱涉明李何數強欲
判唐宋堅城捍樓櫓咄咄盛中晚幟自閩嚴樹氏昧荀中行謂
句弦倂矩持茲不根說一眇引羣蓍叢棘限牆闈通塗成岨嵒
誰開人天眼玉振待君拊喁嘻寄楊權名相遞參伍零星寒具
油沾漬落毛塵奈何細字札銜袖忽持去坐令誦茗人倍文失
言詰鄭侯凌江來高論天尺五畫地說三關撰策籌九府癯顏
戴火色烈膽執彫虎盪胸萬千字得句故難住梁鴻瓜廬身禮
殿擊鼉鼓滄海浩橫流中潭屹砥柱可憐灌灌口味肉失腍脯

那復問尖叉秋蟲振翅股懷哉海陵生江草習柔艣瘡瘡濟陽
跛海燕對胥宇季子踏京華尺書重圭瓊太陰沈暮節病叟侷
寒女出戶等夜行焉將燎庭炬百憂中繳繚四望眩方所賴君
排偪側冰窟日諱謔消此雨森森蠲彼愁處處天門開詆蕩曷
月日加午城隅卓刀泉中有鐵花黠櫛栝百千株夾道儼圍籞
樊口渺東望松風冷相語千載漫郎游招招若呼侶東坡眠食
地固是余所佇鬱沒老涪幡赭山疇踵武興來舩艇艇徑欲掠
江漭政恐迴颿搥商羊復跳舞

失題

四十九年非故我東西南北塊窮民直知死定優生樂豈信文
能見道真發篋朝衫消純采戴天嗚谷又賓春妻孥脫屣終無
策滿目青山送病身

寒意勒回梅蕊澀霞光四放柳梢晴東軒喞喞雙鵲立北鄉庚
庚乘雁征驛騎寂寥書尺素粥甌迸淚臘嘉平暮年心事關諸
舍惆悵吳儂口數行

季直書來索題荷鋤圖詩

普門大士多生願身世相違百態新衣冠去作木居士簑笠歸
來農丈人儉歲百家生秕稗傾身一飽不溜磷扶海坨南金谷
口形諜名軒非子真

西園蠟花

恰與江梅共冷思不將繁幹惱疏枝獨來曉徑香能絕折近粧
臺澹未宜淨海橋西孤客夢阜成門內上春時天香佛供垂垂
見佇苦停辛故故疑

再題荷鋤圖

百年我亦恨枯槁小畝曾無一稷田期與白鷗分片席相隨黃
犢度東阡蛙聲五行差可說禾采三變思諸先姚埭老民歲時
紀心知不同蔡癸篇

瓶中蠟梅

嚼蠟心情重玩花折來蓓蕾更杈桎細裘自稱先生座黃面歸
來佛者家三四九過消臘茗日時分裏課年華春工自慣三微
積得信幽香磬口遮

山茶

我識蜀茶三十年眼食矜饒簡齋早欲來漢上對花開還似湖
南被花惱主人栽花十載餘豈知與客庭階娛素面辛夷玉蘭
避深色魏紫王紅如香心蓄縮紺苞結萼樓戴沓丹臺敷鶴翎
犀甲審名品雪雀家鷓徵畫圖却倚南窗啓簾幕更展華筵引

紅燭老夫灰死得寒心嘉樹穠花蒸繡谷絕艷終知慰薦難先
春已占芳菲足花時起作鞦韆紅歌午晴有蝶來婆娑青松落蔭
寒奈何白雪可和非虛過明年花送游人去游人憶花花處處

再題山茶

牡丹楊子華山茶滕昌祐丹青齊蜀始賞詠唐宋富乃知一隅
貴及時九州湊孤憤一何徧韓非誠溝壑

西園絕句

青山昂頭江掉尾殘雪在庭樹覆臺秋葉不如春葉綠昔人曾
是昔年來
盡拓文窗納曙光不除殘菊惜陳芳蠟花正色作法供艾葉千
年聞戒香

穀雨後一日抵里

端平橋外歸來路嘉會都中雜誦孫卜築并無三畝宅經營空
說萬家村啼鶯春過柳飛絮放鴨波柔船到門却到故園爲寄
客長懷舊德對荒墩

急雨瀟瀟萬樹風宦遊還去別幽宮餘生愴戚人間世疾痛長
號罪釁躬憂色下堂兢自飭褊心誓墓願難充清明寒食年年
在永愧溪南襪襖翁

石徑磴然攜杖來嬖姍宗老可人哉三年難得四度見一別那
堪百事哀生理徑須忘太上幻身猶足鬥奇侅阿婆莫忘臨歧
祝東抹西塗更一回

吳侯鬚髯極蒼古故是循良傳裏人喬木風煙世臣澤迴波鷹
隼墨池春遽爲遠別闕燕語爲作家書湔扇塵陵阪自尊朝市
賤劇憐同願不同伸

途中偶作

百受互回斡萬緣判分馳孰居無事推飲啄寧有司當食故不飽未明乃求衣燭微競遠慮巨謬愆初期巧算自有數造化良善嬉不覩飽食子凶歲無輞飢不覩冥行人危地非險熾嗟哉赤水珠絕影襄城迷物故不可論浩歌涉江歸

謝壽田農部過訪不遇船中却寄

謝家端可著邱壑餘事還將六法傳想得維摩掩方丈辛夷花落酒杯前

來是忽忽去寂寥寄聲鈴語入僧寮太虛爲室時相對豈必楊花趁謝橋

發京口至蕪湖

小雨拂空涼意慳渴日解駮雲斑斑舶邸人喧僮楚語水宿月

上于湖山未忘塵務話京洛得躋民伍稱荆蠻舶趁風來袂開
閣蘆荻洲長人往還

江夜

玄蚪委空煙尾尾長風出夾雲庚庚深江魚龍夜闌寂孤客巾
履身鈴竈嗚呼乾坤幾波蕩來復鬼魅方縱橫枯魚滴淚寄滄
海濁浪日下何由清

蠟磯

落颿昔入劉郎浦馭風今過靈澤磯壇垣荒荒石數級萑葦騷
騷江四圍神鴉斂翅危突煙潛虬戢浪輪人機吳侯少年不了
事草草兵謀輸女弟帳前侍婢浪狎獐世上英雄能決棄蜀道
吳江望渺然月下玉人方寵貴至今激浪擁回潮中有吳娥滴
酸淚兵車會紕縱橫施甥舅恩深婚媾尊周郎計失未須笑還

有西歐那破崙

晚望

極望灣桐闊悲思六蓼殘民援依德建祀古喟君難夜氣蒸雲
合平湖拓漲寬漂流愁旅逸紆軫結憂端

重過小姑山

城中始教尊天鬼善賈多財炫報祈山海荒冥多帝女樂歌胖
嚮動靈旗江爲羅帶當風坐月印粧娥攬鏡歸蹴踏閒情憑壯
語彭郎真解小姑圍

失題

世閒攏競工倕指拱手與人家國事西來老胡歌文康手摩日
月天氏昂神通千臂不可量顧視若菌民折箠鞭羣羊抱冰老
人校兵返置酒樓船中飲歎爲將古語例今情頭目須要手足

捍古疆有足無足判今疆有手無手斷長兵倍身助遠攻志慮
血氣程其弓行不能持射不中有臂乃與子承同家具犀渠戶
斷膝藏器在民民載國千人所指氣成創何況神珠加手力宗
廟齊豪獵齊足吾願編氓齊手握機關便習合形骸招的無虛
如土肉恆河沙界火人伏彈雨槍林藏比屋挾岱擘華一舉勞
裂鷲摧獅惟所欲無足之國敵所蹂有手之國恣旋抽手能強
心目導手天下正在十指頭公言切復切吾意猶未畢安得一
目之民兩厥明歧舌之民壹厥聲域國毒消鬼國曉大鈞一鑄
形天貳負謹頭鑿齒蕩滌無留形世間萬物待回斡天地南北
猶虧傾黃河可塞金可成祝公難老加餐飯歲歲霜郊校射行

客久

客久成駭貸庭虛斷見思乾坤多難老鴻雁入雲悲過去事無

跡遠來生有涯中園撫霜柏念爾歲寒時

南皮公青山大閱偕節菴往觀

鑿戒三傳晦霧開信知人定自天回成軍三楚多君子受射諸
郎有雋才馬足籥雲高嶺度虬髯照雪令公來視新聽眇無窮
意藏密先從九地推

年少未騎生馬駒老跨欵段從駒駮森巖師子開荆楚習積機
關較墨輸身手世閒須攫搏罪言往事重嗟吁鯁生壯事終無
分慚愧山前識壘圖

紅梅

江城萬雪凍木折天工不慳深色花儘作朱看無碧處偶然水
靜見枝斜絳跗夢破垂垂老翠羽巢傾念念差強擲丹心緘蜜
蒂爲誰孤萼啟春華

故著嬌紅上瘦枝小風晴日弄遲遲不從月地矜奇夜自向霜
餘得冶思天女花身無漏果老夫色相已空時紅紅白白誰差
別正好香聞鼻觀知

屈指東風有鬧春知君早已蛻仙塵餘妍競作千紅秀先醒難
留一染身一醉未須欺酒面晚妝猶與點歌唇萬山如夢霞如
海別向羅浮見麗人

吹笛關山落照殘穠華誰信更孤寒人間久失燕支色竹外長
疑淚點斑含采苦經春軋軋攀枝還墮雪珊珊廣平鐵石曾相
許漫作尋常素面看

新月

新歲見新月北人思北風玉鉤太肖似碧漢長冥濛流宕千生
返孩提一相同黯然還下淚歸臥夜堂空

哀史澤山舍人

澤山始見我壬年月在甲逡巡諸兄後少儀執應搗短黝豐下
姿童觴端不狎問年纔十四坐客競誇讖爲言強記識過目誦
不霎弄筆貌家人臧奚仞毫頰真形揣狗馬細相肖蜂蛺意得
匪授師天成冥通法幡幡籛復翁醉面渥霜榻譽甥不容口長
者治譜洽仲書季工畫宅相日煒燁我時居客右讚口聽霄霄
堅坐觀其神果然驥將籛豫章生扶寸數齒待鱗鬣別去僅十
年來鼓橋門篋倒屣迎諸門熟視目爲眵瘦軀飄丹纓短步揄
白袷下視氣卑憊謹言口譟詈怪似天馬駒高衢不讓躡守窮
伏閭巷經歲閔形謀帝城士如鯽談舌捷風筴逾久聲不蜚黝
焉劍絨匣頗聞萍蓬轉未遂蔦蘿接長兄落夷道黃綬送虞翠
仲兄漂閩嶂蒯緱冷魚缺慈親失歡愛逆旅日飢乏濡响諒不

能念念掌獨招旃蒙神州錄余季雋堂帖曉卷千佛名驚喜子
同捷細書得屢見妙腕尙深壓稍知懸飲積毒卉米囊呷太息
間闊蹤藥言孰由刼春闈子再舉分校季程業躬躬門生列設
拜念肅厭蕭齋味足娛舊事溯巴峽星晚坐從容茗餘話周浹
吳裝拈畫筆唐風展吟笈疊疊極抽擲閑閑見咀獵低顏狃口
口弱體佗強刮觀深去琴軫味雋備蚶蚶臨分瘦馬圖含思語
悲籥薄相良可疑多材豈終壓浮浮嶺海權慘慘皋魚襍荒江
日蘭浪窘步想躡躅飢惟煮字飽寒有綻衣法常憂轉溝壑安
自訊緘劄開囊對君畫妙想疑枝葉心超筆皴擢理變物突容
宗派盡察擬煙雲滃渲罨嚙城企神儻虞山汰卑燥此手百年
間湯戴同岌業畫師例鮎背胸若熟羊胛都門瘁再見暮氣愧
畫聶除目遠有聞新恩莫舒莢如何庾郎貧竟瘞劉伶鍤千里

薤露歌一哀寢門睫胸中董巨韻霞想尙稠疊句裏溫李哀吟
魂就殢殢斯人余望厚天秀已抽敢鬼伯噉孤窮九艷太凶揭
團團渾敦面胡不刺其窄慘慘刻木眉胡不拉厥脅胡良殲奄
忽胡厲壽駒貽胡僥毒狐蛾胡佑讒婢妾長弟朽必速溫文妖
必寔大鈞問不對冥莫晝如魘老懷思舊事歷歷繩貫筓病眼
出酸涕繾繾絲入躡平生交道口皋壤害氣歆兄事徂旣希弟
畜起孰接沈沈板板天吾徒魄其讐

石遺居士見示移居詩依韻奉和

已見新黃上格端巷泥猶漬雪花團車將家具書幾卷門掩東
風且極寒覆盞不妨濡首慣說詩翻自解頤難硯田老見蟾蜍
淚得似秋場萬穗攤

絕迹不教行地窺翛然自在一披帷洪崖駸駸低圖畫笠澤偃

僂榼笆籬老籐未舒陰可想稚筍快啖鞭須移波濤兩萍禪一
宿我與物生胡瑣頤

失題

嬰鵬傳言午夢逋治春門巷記模糊夕陽無限朱霞影悔不親
將小李摹

筆底春風試國香蘭根蕙箭不同芳老仙絕代人天眼也爲花
身費較量

恆河照面髻星星老憶前遊愴故情拉伴城南隨步履舊人誰
是米嘉榮

禪榻茶烟判慧癡雨絲風片半春遲高齋下直初陽滿默記貞
元本事詩

庚子三月自武昌挈眷東歸過漢上與太夷同登魯山作

崖洒巖傲離坐風盤盤湖野廣輪中山行濟勝元無具表立忘
歸憺不窮春盡鷓鴣還惜別興來雲夢壹吞胸乘流便欲東浮
海親見安期間棗紅

山外是湖湖外山亂雲不放夕陽殷江神出入交風雨楚國芬
芳托芷蘭明德到今承禹迹解紛誰昔弄僚丸長懷政作沈吟
去善手無忘鄭重彈

答石遺

浩劫微生聚散看空江老眼對辛酸河山落日滄浪色兄弟危
時尤散官腸繞薊門通夢遠石窮溟海化禽難刊江鄂渚書郵
返疊鼓鳴笳燭淚殘

易實甫過談

萬首詩歌百卷書南行落帽意何如沙蟲變化朱顏在服食從

容素女俱日歷自嘲寧自責先生非有且非無神仙到處成游
戲亦道長安不易居

露電光中最後身鑊湯熱處再來人游魂故是易家變善哭我
識唐衢真歷劫不迷雲水性他生或幻玉臺春麻姑狡獪方平
笑東海簸揚又一塵

酬散原

入海鯤鮪化藏山鹿豕訶有生爲患累久視復云何覽揆靈均
志晨遊古老歌爲君斟楚酒一發醉顏酡

菊候霜華潔楓江冷葉奇名山無量壽滄海有情癡仙尉同良
月詩宗正嫡支瓣香重薦取迴向社韓知

擁膝驕文度斬麋禮孟光掃除留一室觀照徧諸方秋盡茅齋
遠山幽桂樹芳畫圖邱壑在何日共徜徉

久客諳吳語行吟是晉年壺中真歲月市上隱神仙會以騎驢
喚相期夢蝶眠大槐何戲劇瞥過大椿前

絕句

天如中酒無慘醉仙在還丹轉盡時省得騷人蟬蛻理詩含神
霧了無疑

葉脫才知木有心霜黃還聽鶴餘音病夫病得養生主絕後重
蘇天雨金

帝所動心聞奏樂臺駘入夢是衰徵春從何處來千里海動翻
成影萬層

跏趺詩成跏趺書腕中一鬼不消除看君思軼虞山上顧我談
承歷下餘

亂世人才可易論英多雄少浪批根轍窮漫墜驅車淚地勝難

招自古魂

前緩歌連後緩歌
娛光持比電光多
瓊枝玉樹花長在
慣著衣香染劫波

錦城絲竹花鄉曲
霓裳字譜河中樓
龜年江南不落莫
賺他兒女萬纏頭

談虎無如說鬼宜
知魚元在化周時
役夫正好侯王夢
亡子何勞建鼓馳

檢點元豐隔歲茶
飛來燕子故侯家
稍留殘衲煨爐火
不是蒲鄉釘坐花

長夜漫漫無盡相
孤光歷歷不眠時
令壺齟語支離叟
付與開成本事詩

簡天琴

欲賦杏花無好語藤枯樹倒復如何周郎赤壁換今古山甫清
風餘寤歌亂世寄生同草木春光佳句入盤陀登樓四望非吾
土誰向江潭感逝波

曉起

朝雲爲霧夜爲霜酒色天占正渺茫見杏不迷王二月脫萊還
趁日三商卿惟子墨留殘客夢入華胥是樂鄉猶有卮言酬漆
叟凡應常在楚常亡

遠望

遠望悲風優暮思清江帶郭去帆遲露生薤上晞何晚風過河
行損不知海運定逢希有鳥陸沈原是寧馨兒拏音川上尋何
向梵韻空中默自疑

和天琴

近代詩鈔

沈曾植

二十

坐對花枝譜竹枝莫春春服既成時桃花便作仙源住草長寧
無故國思化士戒成除綺語騷人賦裏有微辭誰驅白日堂堂
景正好晴空裊裊絲

浴佛日超社第五集伯嚴爲主卽席送健齋樞相遊泰山
九十日春歸寂寞湛湛園林靜衆綠籬根謝豹戀青陽相對虞
兮訴愁萼海氣朝升作蝮蛻詞人老去成猿鶴醉須千日飲無
何客有三人來不速髯翁興發逃病坊律師一葦浮吳航侍郎
聽履星辰上今日扁舟雲水鄉設茗衣冠仍故意過江風景似
殊方寧知天地留吟卷復有春秋紀則堂二老長庚殘月對諸
天寶樹香城壞滔滔孟夏去安之歷歷開元眼猶在密記金鑾
燭淚存還家銅輦秋衾喟蕭條絃誦魯儒圍不是耆英洛陽會
東望封中有古雲中黃太乙閔靈氛七十二皇同攬涕五龍六

甲亦泯梵道家欲起夷吾問堂室長埋公玉文呼吸天關應有
語滄涼日觀杳無垠昔遊尙記長安樂夙心未沫黃墟躅斜街
老屋問王筠米市愁霖病陳卓當年盡惜長沙天今日才知嗣
祖福萬感尊前現在身寸心幽國光明燭月沒參橫送客歸春
流野色露沾衣浮生愴切人閒世象法彫譌梵唄辭入海安期
寧有遇懷沙正則是長悲神侯司命遙傳語可是騰根食蠱時

樊園超社第二集

樊園花事朝朝新春陰不殢看花人小車丞相行率真江邨路
比沙隄勻桃之神專三月春策駕碧鳳驂青麟山桃嬖侍扶轂
輪粉白輔頰丹朱脣碧桃湧現波曇雲九華真降安妃身要與
芬陀嚴供養肯從姚魏論疎親昔偕紫芝逃嬴秦武陵路絕波
鱗鱗不知魏晉是何世或疑卞鮑躡重綸紫荊紫艷清不塵三

鴉非花皮足珍櫻從東方浮海至長腰小靨嬌丰神頗疑海棠
分別子或隨徐市移秋津尙書留花花愛客壁牋十幅觴十巡
永和圖舒長案茵紀甲廿七風吹蘋題卷豈非天祐歲正冠不
墊林宗巾酒狂忽發歌絕倫起捋花須花不嗔

方倫叔廉惠卿招飲小萬柳堂縱觀書畫竟日歸後默記

賦呈兩君

萬柳堂前颺柳花園林依舊是廉家衣冠僑寄今何日錯認遊
蹤過下注

春光淡沱行隨燕鶯駕威遲穩勝牛玉蘂銀藤都自適曼陀羅
性在東洲

須眉皓白方安道合自月泉吟社來有約西湖游未得却來河

上序流杯

堂前臨蘇州土人謂之蘇州河

寫韻樓中妙寫經千秋朱管接英靈拈來筆墨皆般若字字圓

成已五形

廉君贈客以吳夫人小楷嚴經是日所見朱淑真管道昇璇璣圖詩各一卷管楷尤為精絕

周昉美人韓幹馬開元全盛畫師肥可知瘦肋如山影別有孤

臣泣血微

韓幹最奇絕沙

南唐官印看碑圖可是徐家昆友無便作關仝山水看穹巖峻

谷到西都

五代人畫看碑圖有建鄴文房印

雲容懷懂樹無根寶晉英光得細論自有乾坤清氣在霜縑招

得董源魂

北苑非小米幅清麗師北苑長所及

大年小筆上陵得那忽千巖萬壑俱政爾師承翟許近不妨鑑

別董陳殊

趙大年卷筆墨蒼古與世傳工麗者絕異

帖祖昇元出道流澄心貢品門梅歐人閒別有臨河叙官閣題

名在利州

邢子愿所藏澄清堂帖

近代詩鈔

沈曾植

三十二

閣如清閼多奇跡家寄荆蠻作逸民淡墨疎林坡路盡江山清

絕更無人

雲林
册皆佳軸

帆影樓前數去帆梵王渡轉夕陽銜老夫尙有滄洲性夢斷藩
籬採藥巖

病過春風九十日鳥喚提壺花笑人伏檻觀河添面皺高閣枕
流洗耳塵

廉家荆浩畫松巒山水障子樊山作長歌余亦繼和

畫中看畫畫非畫高堂颯沓風雲開九百年前冥漠人鴉義招
得精魂來建標峰如巨靈擘直幹松自秦時栽天紳大瀑透空
下彼豈胸臆填風雷礫礫磳磳碎中怒耳鳴恍忽驚濤催縣知
松根攫危石石下定有龍湫洄滿盈之動豈無日驪珠夜竊何
爲哉荆浩北人山北性清秀不與王維儕亦掀思訓撥昭道忍

將金碧汗巔崖純全山水大冬氣閉隱道與希夷偕洵洵五季

人相食厲有憐王僧話灰戰塵飛不到蕭寺浩有秋山蕭寺圖見清河書畫舫

吳筆項墨隨塗措真形太行接恆岳冥寄桃源及天台郭若虛見

聞志載桃風雲所通徑路絕若有人兮宅崔嵬固知圖畫意

未盡上方氣已通蓬萊十年江湖困卑溼董生平遠非余懷長

安豈知日同遠岱宗政恐山其頽乾坤干戈身老病青鞋布襪

行靡階投林甘寢幻思夢夢身化作松根苔

題扇贈鶴柴山人

廬江迴倚沼淮水鬱增波市隱江南美軺封塞上過沙深迷赤

柳月冷渡黃河病客崑崙夢因君發浩歌

吳剛脩月去梅福故庭燕客有槎回問星傳曙後孤暘暘淒老

眼刼刼到今吾借問陳無已談叢續得無

南風

南風髑髏生齒牙川原白骨亂如麻
大猛火聚一燔炳塗毒鼓聞空痛
嗟天狗有聲雷墮地鬼目相看血
是花如何日月眼長閉忍墓蟠腹
長爬沙

又和樊山

猗蘭巖前青鳥使夜誦詩中赤雁歌
可許阿嬌知狀未真形五岳諒無多

楸葉得能新綠葉荷花直恁守紅心
人間最說唐宮合天上先知漢女針

晚望

晚雲千里至病樹百年枯篋叟稱經
語舟師警澤苻萬方成一槩七日有
重蘇鬼哭橋南路誰施法食呼

八月

八月吳潮上三年蜀魄悲江流無返日月闕有圓時秋氣洒毛
髮蟲聲催絡絲泰山將治鬼不敢斷瞋癡

鄭所南畫蘭卷樊山所藏元明題者三十餘人末有張文
襄題詩樊山自題七言長篇一絕句八皆丁未都中作
也

碰光閣脫由拳紙小字凋殘丁子尾尖豪破墨不破水元是孤
臣淚鉛泚昔爲王者九畹香今掃僧殘一錐矣圖中兩花間九
葉左方長短參差七六陵雲黯一星移白雁聲催北風急右方
二葉短復短心在零丁海洋畔可知正統遠仍存塊肉猶延丙
丁算國香零落天之涯國殤毅魄懷王知南翁倘有南公語本
穴嗟當木壞時嘔血總爲天水碧啼魂常抱凍青枝當門翻恨

近代詩鈔

沈曾植

二十四

無摧折祭鬼何妨入煉持

鄭傳元祐南呼吳僧

遺事鄭

元祐陳

基韓奕

各寫精爽何分在朝野

吳中先輩謂所南是在朝道衍跋中述其語

剗心史已

瘞承天代舞靈應依毫社滄桑幾度紅羊換長卷珍留清閼阮

題詩原是太平年黃閣紫樞眉壽願十年我輩草閒存一老不

遺箕尾遠酒闌坐客重披看若有人兮淚如霰嗚呼舜禹之事

盜跖章昔為狄滅今梁亡西州華屋渺龍荒馬策餘淚秋淋浪

我無橋亭之硯端筴知陰陽亦無西臺竹如意朱鳥有嚼空彷彿

春秋不作騷不光蕭艾變化蘭無芳提筆擲筆歌慨慷人閒

誰要埋憂地一往牢愁天上寄

雜詩

秋氣迴蕭瑟潛波渙西南浩然風露性一往寥天參殘暑尙蒸

雨薄雲不成曇巾車招近局嘉樹藏詩龕有酒趣非飲得朋見

不談情忘中夷惠道衰隱彭聃歸路邈超忽微行蔽松杉林陰
漏光景仰見雙魚噉

我有蘭百本同心盟十年托根不藉地保種寧非天秋院肅清
蔚孤英想幽妍杳然空谷思闊絕懷香緣流宕夙心負衰疾歲
月遷尋芳過鄰畹子美愁悵悵

江霧晨漠漠江流靜洄洄朝華絢五采隱映遙空來蜃氣結層
標虹梁冠崇隈飄搖海童遊玃玃青鸞偕目鷺洞光景神行度
埏垓若有羽衣人星冠集靈臺我乘升降煙天漢雲昭回却倚
白榆枝眇延松喬儕香城一眴盡龍漢千期哀

與可廣長舌東坡眇禪師客來偶相示夢迎端不疑磻竹八風
受池月千波隨頗復相識否觀河老波斯

秋葉無妍姿秋燈無顯迹窗前老槐樹枸橈日槭槭寒塘蒲葦

短淡日乾坤白解休視蔭情蒼莽遠行客宿春嗟已晚輸載念
誰役幸自可憐生爾牛來角尺

客至亦何見主言自舒懷非人身相盡衡氣天弢諧水石偶磯
激木火生摩揩居然吹比竹亦或殫神椎語默孰司契合離兩
非佳蟬休客亦去止止還心齋

作詩必此詩詩亦了無住偶然眼中屑搆此空中語六鑿雜悲
歡七音迭宮羽太虛誰點綴流水無焦腐筆汝亟來前寫我非
雲句

碁局熨虛腹隱囊倚頽顏茶香鼻有守鼎冷丹方還樓外天曠
漠樓前水潺湲無心蝸篆壁有情鶴歸山生年鶡冠子

杜句納息

迦旃延事往悔吝除秋成天野寬我不著一法而法循無端小
山有叢桂將子來同攀

門前日有賣花者

霜郊寒菜色深巷賣花聲
病客重傾耳春心逝隔生

簡蘇盦

秋葉脫且搖秋蟲吟復暗
秋宵無旦氣秋嘯無還音
寸寸死月魄分分析星心
天人目其眴海客珠方沈
惇史執簡槁日車還瀟深
寄聲寂寞濱乞我膏肓鍼

貴已不如賤鬼應殊勝人
攙蓬語莊叟乘豹招靈均
蕩蕩廣莫風悠悠野馬塵
獨行靡掣曳長往無緇磷
鬼語詩必佳鬼道符乃神
道逢鍾葵妹窈窕千花春
絕倒吳道玄貌彼抉目瞋

君爲四靈詩堅齒漱寒石
我轉西江水不能濡涸轍
道窮詩亦盡願在世無絕
湛湛長江水照我十年客
昔夢滄浪清今情天水碧
徹視入沈冥忘懷閱潮汐

再簡蘇盦

瑾戶居然入病坊，畸民原不受天陽。
沈沈日月觀幽國，歷歷心精閔寂光。
雅廢磚留君子館，詩寒祀配水仙王。
嚴車廣陌遙相屬，越鳥胡鷹耿不忘。

題目寓樓曰海日樓，終日盤桓不出一室。
每誦陶公雲鶴有奇翼，八表須臾還之句，千載同情有如接席意之所

會卽事爲詩

我性好樓居，東窗著匡牀。未明得朝氣，出地星煌煌。
坐作岱頂觀，海波浩滄涼。真形見暘谷，嘉實餐博桑。
稽首摩利支，大悲徧諸方。鸞駕先日馭，鬢雲攝機槍。
密語千萬周，四施極羝羊。福嚴普沙界，兵氣爲慈光。

摩利支天咒持誦避兵
宋人小說多記靈驗

迎日起何爲，長生資沐浴。霏霏流霞潤，飲我初生犢。
協氣外蒸

濡奇溫中馥郁子珠抱靈根燦燦金華簇裸國薄何嫌胎兒洗
宜育咸池甘石經占此新陽復

安期爾何人得非魯連徒卻秦入東海傳爲列仙儒朝與青童
游莫歸紫府居鏘鏘白鳳皇侍從隨仙輿辟穀亦何爲食薇不
願餘披髮下大荒冥搜宛委書雲氣闕徐市岳圖付仲舒誰言
齊士怪正笑田橫愚南史簡不存長懷一嗟吁

西摩路 梵語悅意曰西摩阿彌陀所居國土曰須摩提
文殊師利所居城曰蘇摩邪釋義皆同西須蘇一字之
異寫耳稱意曰須曼那好意女曰須彌迦余所居迤西
南曰西摩路不知邪寐尼書當作何解中天語則悅意
釋也路爲出入所必經感此嘉名彰以雅咏

秋老物將息羈懷藐何依海濱常綠樹慰我淮南悲峻字闕人

迹曠塗舒息吹投林鳥有宅脫輓車方歸黃葉故槭槭秋陽迴
離離欣然名字卽已釋塵沙疑老母米潘因晚華曼陀姿就體
復不妄無緣豫焉隨遠見西南江莫帆去何之昭文琴可鼓象
罔殊方遺

偕完巢遊張園天琴泊園不期而會

步履東風駘宕行春遊宜雨亦宜晴鵲寧知歲營巢定鷗已忘
機狎海盟雲意與人同澹靜江光迴照入簷楹年華此地過燕
九嘯咏何心效洛生

周侯高爽偉容儀元放純常見道機楚國先賢同臭味王風曷
月我旋歸春從天上來如夢思發花前願不違行過津樓還買
醉更闌海月在人衣

釣鐘花或云出羅湖或云出頂湖樊山賦二詩易以雅語

曰懸鐘和韻

樊山咏鐘之鐘余則詠酒鐘之鐘也

認桃辨杏都無似恰似棠妝倚睡紅朱鳥銜來雙瓊倒羅浮春
暖一枝逢冠垂瓔珞天人節淚化瓊瑰曉夢穠政好分光照南
燭不須鬥色對蠻楓

疏枝小朶影徘徊春與三危墜露催倒暈顛凝拈酒蕊回波卷
與醉官梅纓垂紫絡宜攢鬢槽滴紅珠更覆杯博得詩人題目
在年年長定歲朝開

偕樊周遊徐園看梅

著意尋花蠟屐招徐園梅信綻芳椒春光那便榮痾木猗覺相
將坐綺寮詩律未輸詞律細香塵更比色塵超夕陽紅處分途
去容齋春心落晚潮

仁先自杭歸貽龍井泉一瓶

近代詩鈔

沈曾植

二十八

西施本是臣里女我與西湖久睽阻半生長作越流人想見澹
妝濃抹嫵狗兒年冬勇探陟始踏冷泉泉畔路張家祠樓十日
留看盡重湖雪月雨當時奢願游五岳踏破芒鞋返胥宇稽留
山下挂瓢人許我爛柯偕賭墅豈知乾坤一反覆孰兩東門遽
如許有眼忍見林希碑有足誰蹠相柳土年年穀雨薦新茶空
說石泉槐火煮陳無已自山中來貽我龍泓白牛乳山裏依然
竹筧清世上誰知蓼蟲苦松鱸匏尊聊一舉藜藿腸鳴甘爾汝
老夫吟嚙故難醒五碗通靈空計數樊侯示我列仙詩我自幽
篁山鬼處倘騎赤豹從文狸夢見冬青不凋樹

和天琴新居詩

海漚翔集島鳧趨共道先生此卜居邱令宅圖經幾換永嘉土
斷復何如藥闌喚客看新樹瓜菜當筵說故廬誰與布金開丈

室翛然插架理藏書

三年隱几共于喁
兩老風流在索居
世界迅催塵劫劫
詩心妙總印如如
菟裘君就新昌宅
鴛棹吾歸辟塞廬
長聚固應非鹿豕
有懷口自戀琴書

和天琴韻

衰翁心跡屢相違
病葉西風落更飛
腕勢戰爲金錯字
畫緣催典織成衣
夢遊建德鄉非遠
簿記流人客未歸
斜日來鴻空悵望
荒林寒鳥暫因依

樂哀樂事相違強
借雙玄遣百非
百鍊未成江上鏡
九條重衲淨人衣
刀輪須洛諸天動
戰血瞿邪鬼哭歸
鐘應山崩憂未艾
衆生國土愴何依

九日惠中旅館登高超社十九集和樊山韻

秋卉葉光紅玫瑰晚稻實於早稻
荻梧桐自凋菊自芳拒霜特
艷芙蓉腮天公於物何厚薄
苑枯得氣殊根荻月管葭飛無射
灰剝上碩果憂懼懼遠望當歸歌
當泣江寒強復臨高臺龍蛇
起陸鷹祭鳥好懷那得從容開
沈翁垂頭如老鶴暮愁蕩蕩彌
埏垓樊翁氣若晨鳴雷兵家意氣
仙家才人閒蕨淨亦何有排
雲自見金銀臺置身久居長命國
養氣常爲不噉孩重陽江樓
躋崔嵬說字糕爲劉郎哈恨無承
平臺閣分數典小宋奚難哉
昨朝凍雨風簷簷臧孫聖偶忘笠
簷疾行居然穿雨外雨師妾
避商羊猜此老身輕爭鳥過那
不縛屨凌天台那不應身爲萬
回那不飛騰鹿盧躑步自東極
至於西極坐看尸蟲人鮮天煤
哀溺人必笑且有問沈翁太愚誠
鈍僿樊翁一笑不知許銜袖
磊磊珠百琲有口且爲鄒衍談
有酒須盡劉伶杯有花可插句

可覓樂天夢得隨摩按二鳥南北海三鳥岷閬隈起與秋蟲競
鳴聒倦同鵝雉眠毯毳福禍倚伏冥有數哀樂何知非樂哀蒼
然暝色出門去痴翁一卷携得今夜詩山材

和散原九日詩韻

三年安坐守皮骨萬里登臨忧心眼知非吾土一憑欄豈有菜
萸孺罕殘陳元龍氣固自豪湫隘塵中見重巘適來安立共雲
梯但有樓臺卽仙館太陰雲從西北來誰辨趙牛與衛犬雄雷
聲作小兒咳失候焉能驚箸碗是日嘉名愛佳節尙憶官身假
休澣蒼涼林蘊追昔時蜀魄千山紙難剪西巖老人催白戰我
比劉郎思更蹇樊翁佳句上秋潮如此重陽須再展樓前雨作
海茫茫地軸只疑鼇戴喘幾家壑谷樂無愁向後方壺看亦懶
陳侯逸興且遄飛折簡改詩傳月滿洪鐘競道無纖扣赤手縛

蛟看螭蛻明年此日復何如
政恐犬封無寸鬣

次止相題江西詩派二家集見示韻

江潭搖落柳無枝
鱗角牛毛詎有期
少惜雕蟲非壯士
老親風雅轉多師
乾坤毀後寧無易
鄴鄴刪餘尙有詩
藥圃湘膚秋次第
重言爲借注圓卮

雪塍提刑招同天琴漚尹藝風完巢詒叔黃樓積畚諸君

飲於醉漚

露電光中玩好春
滄桑劫後幻陳人
食單楚瀝吳羹選
鄉味椒漿藪實親
酒罷樓前頻視蔭
談餘劍首一吹塵
抱冰堂上留殘客
舉目山河重愴神

白日青陽病客前
敢將兄事問疑年
市樓星座三垣外
海客漚羣十月天
本味何難宰天下
舉觴相命作神仙
花須柳眼晴無

賴趁起東風各放顛

題趙管合璧卷

寶墨生香思出塵滄桑劫後謫仙人白楊自長齋前樹翠竹猶
疑世外春緘署和南師上座帖題驛北拂行塵金駝那必無鉛
淚太息仙源最後身

庭前碧桃花

碧桃花自今年發客舍寒迎舊歷春瓶鉢老依僧計臘軒窓晴
喜日隨人難忘鶴禁班聯夢已是蟲沙變易身此日此時聊自
得不夷不惠藐誰親

和藏翁寄贈海日樓春宴圖詩韻

七紙郵箋出上都吟成如見繞牀呼經行燕趙悲歌地寫貌朱
陳嫁娶圖雲海迴留詩眼在天門還乞旭輪摹豐貂毳落顛毛

白悵憶春風侍史扶

芷畦見示答友詩依和

不是憂纏卽病斟誰從宋莫扣餘音皋禽警露聞遙野海鳥翔
波有畏心蜀道隱踪慙董養幽州疲隸慨盧諶門前五柳春條
發與子徘徊共息陰

逸社第一集止庵相國觴同社諸公於敝齋相國與庸庵
尙書詩先成曾植繼作

春風駘宕來朝氣在巾屨川上逝不留吾生眇焉住平生五岳
願跛者不忘步屏跡土室隅萬象入傴僂身是古莽民甘寢世
無曙羣公排闥入有酒忽成醜有俎雞鶩兼有籩肴核旅衣冠
今四皓朋輩昔三署或拍洪厓肩恣浮魏王瓠青冥馳野馬迅
轡不容馭竹素倘相容焉能闕情語錄公喟遐想

見宜城集 題目此欣遇字說一掀髯析言勞介甫

逸禮不臺記逸書不師傅逸品畫不聖逸曲琴無弦天壤廓無
際逸者象其先古今邈無朕逸者游其元坐作鯤溟運立當鼇
極掀神依少廣母室在崑崙巔焉識廢蟲聚中有雷闐闐焉識
須羅孔日有方輪旋埋照不忘照鏡空羣動前吾方耽逸病放
意懷與安鑿齒人且半壺邱鯢有潘新陽感積悴哀樂環無端
庶以長者言將持日車遷酒闌積絳算僂喏吾生觀

霽雪照江邑不能濡海濬餘寒獨滲骨襲我羊裘人秀樹迴含
綠鳴禽亦懷新光延午景草色晞遙眺花事可蠟屐雨行隨
墊巾豈無填海石噫此無懷民夕照散車轍長烟凌塞氛還將
洛生詠付與臨川論

到家作

近代詩鈔

沈曾植

三十二

病與愁兼復幾時還家迢遞一年遲燕城劇有參軍感舊館難
爲長史思燕守空梁甘宋莫鶯依晚樹話流離此生行共飄搖
盡慙媿迎門稚子嬉

國界橋

水驛西南路乍分病夫猶自惜餘春修多羅說家常話冥漠君
爲化樂身棹去波光回虎眼水繁雲氣滄魚鱗橋堍廟令應憐
我長是東西南北人

還家雜詩

九服蹙靡騁我懷良鬱陶憧憧野馬塵送我乘輪飈脩軌一超
忽春光滿江皋黃花菜根味紫花地丁膏五色蠶豆花

豆鄉人言
花具

色五如鳴繭絲勞農宗生民始擊壤成咸韶誰與飭五材禾邊倚
之刀遂使糜爛戰不惜乾坤焦吾里縮吳越風雨憂漂搖有粟

無金湯慢藏盜之招經行揆形要日暮玄雲高

二妃洞庭宅三姑泖湖居娥娥天帝女應化爲嫵姝秦帝吞八
極游觀戾海隅東南天子氣劉項先徵歟如何汗長水株累千
囚徒二妃風湘山三姑沈柘湖波濤秦簿令澱澱頭爲魚吳楚
亡國悲靈威爲宣抒邢系出元公神實周黎餘澤國春水生傅
葩會吳歛千秋通胙蠻三戶同喑鳴我代博士對用禪枕中書

王店有三姑廟船往
標鄒村者以爲標識

水竹交蔚蔚柁移入支涇春陰澹原隰遠見孤花明蠶候百室
靜阡陌稀人行林陰見犬臥日午聞雞鳴婦智敬無壙田更勤
得生幸無街彈室不解閩師爭淳俗偶存在兒童樂柴荆卽此
是瀼濱潺潺水樂聲

魏塘迤以北漢塘迤以東海防來自古內庫外差隆吾郡南江

近代詩鈔

沈曾植

三十三

委谷水蟠其中津渠交地泐堤堰爭人功頗疑馬塘築實絕分
江通從茲南紀絕桑鄘言皆窮燕齊填九河嬴氏湮三江所以
山海間往往留秦蹤毋以仲初記上揆神禹功吾將咨海若一

往皆疊空

舟循漢塘
西南行

荒草春茫茫言尋大夫墓兩海風馬牛魂歸自何所散民怯公
戰矯以鶴軒拒懿公死社稷缺矢志先諭傷哉空國走不見輿
尸旅刳腹作黃腸呼天心獨苦有臣乃若此足以知其主衛國
君臣乖十世餘殃注亡虜幸偷生有言皆糞土萋宏血在蜀精
衛翔漳渚神化固難量吾言公儻許

衛大夫宏演墓在縣
西南約與余家墓近

元季九州沸吾州獨安寧濮川叢桂枝雅詠琴清英景德錄僧
卷金蘭有友聲顧徐孫卓陳卜宅皆賓萌山紀貝家宅溪環仲
孚庭淮張死不怨謠諺觀人情地理有變易徑塗入夷庚戰士

負羽守兵家扼吭爭嵬峩細柳營月波夜淒清昔者樂郊語今
茲刼棋征儵樂豈無戀鵲枝依復驚愧無孫叔智甘寢息郢兵
長爲越流人踟顧重行行

汝南雞初鳴危棲俯平野夜氣靜濛濛潛陽伏其下織阿西未
沒曜靈東將駕晦朔苟非會易象安從寫稽首觀世音將無金
母假陰陽卽空有一異焉存者吾老過弇州文身久當捨寶華
有天女願炙曇陽輶

來躅循未遍去軀展方適居家翻若客兒去翁難留頃刻薔薇
花舒英送行舟杜鵑加惜別一雨皆垂頭後閣待支楹前園計
開疇貽書慰老友來月煎茶謀卽事有增益隨緣共綢繆吾生
托信海安往非虛舟

乙卯五月重至西湖口號

來趁西湖五月涼，憑闌盡日醉湖光。
聖因寺古佛無語，一杵殘鐘搖夕陽。

聚散由知有定緣，故人重見忽悽然。
觀河莫話波斯面，已隔風輪五百年。

苧蘿人作蕩林妝，爲惜曇雲掩淚光。
解道夜山元勝晝，不須懞懂怪襄陽。

老翁濟勝已無具，客子登樓還有情。
寄語葛仙休悵望，騎牛或恐有來生。

疊前韻簡西巖老人

海日樓頭倚夕陽，春秋直爲蟪蛄忙。
遠人如杵忽移樹，深草隱花微度香水位。
星搖占害氣，金神氣伏避炎方。
奇胘刑德非無

意會與閩昭一審詳

第三句馬第伯封禪
語晨起親見之

炎宵無寐夢無家強倚櫺軒待曙霞病眼觀空增矐瞤文心失
侶不雄誇飛來白鵠傳書簡想見蒼龍潑茗花獨樂襟期隨地
在吟懷應爲晚涼加

再疊前韻

寥天一去入寥陽翻覺雲居數劫忙法樂靜時常在耳鬢花萎
後別生香仙家上法通三世月中庭可一方晚歲王官無箇
事合將詩品更斟詳

斷虹下飲川中水高壁明翻波底霞散卓筆書豪最適吉祥車
輓穩相誇心燈電續光明綫意樹詩催頃刻花今夜月圓誰與
望影池荇藻想交加

和庸庵尙書異鄉偏聚故人多五首

異鄉偏聚故人多傳得新詩與細哦病後情懷秋葉薄老來歲

月研田磨風潮合沓誰來往露電光明去剎那自有後人能補
闕不堪重館却重過

、放意江干發棹歌異鄉偏覺故人多丹心有願尋伊霍白首如
新共澗邁閒共山翁論甲子長留心史映山河華胥節物都成
夢元老新書記若何

也知身在長情在不是徒歌卽和歌短世豈堪長歷算異鄉偏
覺故人多山中橘可藏棋叟海外瓢應笑夢婆鳩鵲建章塵影
在可堪耿耿望秋河

人海滄桑感逝波長吟日莫意如何談天炙轂招佳客短李迂
辛共放歌造化豈於吾輩薄異鄉偏聚故人多連牀舊約聽相
慰一任闌風伏雨過

毗邪城裏病維摩豈有心情數劫波有願生天先謝客誰甘駐

壽待伽婆搏沙親友緣無散托體山河碣已磨他日碑陰先友
記異鄉偏聚故人多

晚望

如此江山夕照明野夫那不際承平蜃樓海氣雜莫氣魚簷潮
聲如雨聲靜夜吳船聞打鼓昔游蜀道記初程白頭負戴難重
說四十三年枯菀情

余第一至滬爲同治壬寅入蜀就姻航
海南來次至滬上時金利源碼頭尙未成

也

訐齋和韻二首越日過談再用前韻

楓葉初黃栗葉丹婆娑世界悶儒冠有來秋色蒼茫裏過去吾
生次第觀葛令晚年惟抱朴龐公雅語托遺安朱陳圖畫周張
對二老風流異代看

北樓

近代詩鈔

沈曾植

三十六

風物蕭條倚晚樓，離騷誰爲解離憂。
寒花自咽霜前露，芳樹遙憐物外秋。
涓子適來還問道，秦青別久不聞謳。
吳門白馬誰曾見，太息衰年目力休。

八月廿四日補作逸社第六集於敝齋，吳俗以是日爲稻藁生日。禾志載俗諺曰：上午雨則竈上荒言米貴也，下午則竈下荒言柴貴也。是日快晴，廡黔墨突，因拈此題。

以諗諸公各以鄉俗賦秋成詞

山人足樵蘇，田家足稽秆。無米我曷殮，無柴我奚爨。燔柴字从示，藁靺尙篔筥。緬想及初民，造端在哢吠。仲秋不宜雨，下四日元建有滄竈。養愁曰霽老婦粲，凌雜占五行艱難。惟一飯午晷，桑蔭濃疏菴。菜秧蒨數穉，綻已足。睨穎銳仍健，屈指計冬烘。踞觚叟言善，吾廬市橋北。柴船曉魚貫，耳熟篙師談喜傳。妯姆遍

屏居忼日月瑣屑摘謠諺且復究言源因之夢田選粟生日

土暇有餘力功暇有餘思欣此秋稼初不忘春花基倒土如倒

倉翻翻力鉏鋤語雖犁穡異八月犁穡見齊民要術理適堅疎宜六十不

指使壯哉老農師俛身笠影大評語田頭踣汗背忽復袒秋陽

暴難支寄言方田客哀此勞民斯倒土

連壠禾首垂烝民茲乃粒三日買篩籩五日備稻鋏籥簽竹枝

絞簾繩麻苦押門前打作場舍後用攤簽用俗讀若揮之去聲義亦同勤乎

身四體懽甚箇七合上田豐歲每箇七合每畝二百餘箇壅壯差有償倉箱願寧

及柳下風舒舒溝脚水漑漑晚樹烏烏樂迴波鳧翁唼物逸人

曷勞喟焉問難答買稻缺

雅言紫荷花宛央湖權歌俗語荷花紫俗稱荷花紫草厥用埴壚墳不

殊豆麻底要術最良之說底底麻名或淆地丁秋先撒花子明歲遲歸

舟饒儂醉茵徙

藉糶此歌泥注花開如茵游人每

病山示我鬻醫篇喜其怪偉屬和一章

病山健無病詭以病自名顧謂我病者六鑿完無刑妙識洞肝
鬲微權移重輕矯以憺定辭抑彼振蕩情始我聞之疑徐思怛
焉驚心病實奇佻身病爲常恆我方逃空虛良背行無庭身象
且不獲病所安從診毋若華子然哀樂忘其誠毋若壺邱君灰
怪徵於形因之爲弟靡厥咎將倘僿心死道所哀死心禪所矜
云何我喪我不著行處行向來目窅窅何日常惺惺君言儻余
警達此膏肓癥我昨新嘉園睨君切望聽矯然如野鶴迴刷霜
天翎高視龍登雲爍微犀照冥嵯峨聳奇骨信是岷山精政爾
丹靈宮班爲太極卿遨遊延蓋公季孟茅初平胡不鹿盧躡超
遙凌上清胡寧終古忍局局儕蠻僮茲豈摩詰病將垂无垢稱

醫術始黃帝神仙能養生厥流託方技厥典先羣經燕齊迂怪
人悲憤思飛騰仲景廚及流不依劉景升大慈啓金匱善救蘇
灾眚黃公北山隱思邈終南迎劍首夬隋唐刀圭戰巍巍古來
數賢達豈不思咸衡醫國談王霸殘民積咳京起剪適上服申
韓劇心兵法立鞅自斃說行酈當烹世有鷓冠毒劇於鳩羽莖
傷哉學術殺日播科條腥壯佼膏斧鉞飢愚摺楊桁沼吳賜益
富禍宋舒誰懲信知力牧策不若俞跗羸活國理無望活人力
猶能今君能擇術寸帖張零丁夢有鬼神告詩之琴瑟錫坐見
起九死相呼走三彭赤丸震辟歷玄石如冰凌衆寶貢耆域國
工拜櫻寧周南尊壽考趙國珍娥姪各各得所望磊磊軒厥名
末劫人命賤名都市心爭東西一喧闐天札方縱橫乾陀自有
論明堂亦有程豈有波羅仙克先張孟鳴豈其天醉秦力偕和

緩征倉卒潑寒胡殞我儒林英盡傷人物眇誰將是非評醫壘
有元戎仗君樹和旌先驅絳神伏典柄清要娛盡追鬼宮魄蘇
以青囊騰祝君青驪麟車驅輪不停軌前逢勃塵香爲聚窟馨
報君朱提銀飛蚨集簷楹徒御有驕色翁媪無啼聲我聞醫者
意揆度以爲恆經本若象緯軌道縣日星方本若歷術渾蓋陳
模型太歲有超越均輪時胸盈爲合驗天失順天求合成又云
意所解言說難爲呈體知非師授書曉彌聽熒固知司轍末不
如司契貞視且洞一方說寧拘五行觀君本生地葉鏡胸中瑩
量君後得智庖刃斲無銑意匠捷縣解玄扃炯先醒得魚不忘
筌摸象方開盲政爾不疵癘窅然在神凝忽焉自得之那便資
鉤繩以此壽衆生藥王願其宏我以天眼通識君韋陀明仍潘
肥水淵用詫神巫偵聞道樂夕死脩期非世齡山陰干嘔帖奈

此痰藹藹惠我薩家丸副之東皋苓朝飢得飽食坐睡成艷艷
翻恐耗食籍何心覆茶鎗痲木疾無枝蒲柳秋當零無藥可醫
老有期爲相瑩君詩精且勁決起秋天鷹我言苦諄諄視陰愁
陰晴筆駛遂連狝言重積譽譚嚴詩編杜集詎必諧丁嚶黃草
刊龐書聊當喧引嗶報章期再賡捷急如律令

拔可來登禮嶽樓病不能偕短章以謝

數點新紅上野花未消殘雪蜀都茶時晴喜見披雲客卜夜難
留上水榭高閣江光帶平楚遠天遲日攬悲華憑君莫更徵詩
債孽雁傷弓痛轉加

拔可携示辛夷詩余樓前有此花今年開極盛顧未有詩
和韻寄拔可且以慰花

花開謝連詩思遲懶殘孤負荒穠枝白傘蓋前密因在定色未

受昏明移君家白塔復何似萬毗一眩瑩無疵朝吟遂留驚坐

住夜領不避盧仝窺花光詩情兩昭朗今名古語無然疑

玉蘭

古今語耳

由來一白掩衆嫵有佛忍酬文咨咆哮萬國壹骨

觀天花勿用霑吾衣

近代詩鈔

黃紹箕

紹箕字仲弢號鮮菴浙江瑞安人光緒庚辰進士官至
湖北提學使

石遺室詩話鮮菴少承家學工駢體文精於金石書畫
目錄之學詩不多作又散佚殆盡冒鶴亭所緝鮮菴遺
稿遺落尙多也

題黃山谷三遊洞題名

光緒癸卯七月訪叔弟縵菴於宜昌八月五日偕至三
遊洞於洞內深黑處得山谷老人題名按山谷以紹聖
二年謫黔州時年五十一伯氏元明同行黔南道中日
記云三月辛亥次下牢關此刻正在其時三月下卽辛

亥二字也辛紘時爲巫山尉子大方並待行紘字系旁
視放翁入蜀時所見已少泐矣流傳絕少爇火摩娑歡

喜贊歎

涪翁西行五十一我今五十學隨緣風中鴻雁重來集過眼江
山九百年

萬鏃離絃韻有餘鶴銘雁塔勢縈紆此行人與書俱老悟入長
年打槳初

巖岫新奇未賦詩重局秉燭有微思散花一著終成累寄語人

天共護持

聞一妾人欲剗去刻別字有尼之者得
幸存陳雲仲太守囑爲勒石其旁護之

題歐陽公三遊洞題名

十六日再至三遊洞又得歐陽公題名石刻於洞內右
壁校放翁入蜀記字略同惟四字下年字今全泐丁字

下諦審是元珍二字爲歐公同年丁寶臣之字南宋時
已爲妄人加刻畫故放翁疑其不類耳岫穴深黝塵翳
已久初至竟失之宜居人過客之不及知也六一題名
尤罕見致足寶貴

彝陵山水奇入峽此東道千峰繚翠壁劃然發天巧元白蘇黃
陸行旅有述造千載山主人卓犖餘文藻放翁昔搜尋泐缺知
已早拂塵驚乍見懽若墨未燥石麤故易剝穴黑得常保公昔
奉母來江鄉足魚稻縣樓日對山覃孳職方考

公爲令時
纂五代史嘲弄

時間作吏牘雜詩稟想當清秋初沂川消積潦石乳凝雲扃巖
蔬照晴昊判官夙同調緣險恣幽討淋漓修史筆懸壁偶一掃
引繩無欵斜濡豪絕瘠槁乃知大賢心精氣常在抱今君無結
銜庭趨甯足惱公視官如家視民如襁褓追俗玩歲月自分桐

鄉老豈知屢起蹶入汴鬢已皓夢中渡橫查苦憶山縣好東山
有題詠漢廟聞祈禱遺文猶在誦貞石翳荒草寥寥殘字在永
爲茲山寶

縵庵合裝歐黃題名懸齋壁並題一詩卽以爲別

廬陵少孤貧不憂登朝一節論千秋波中金石仰看物箸書不
足來尋幽維摩老子稍後進文章不同有心印書骨權奇如其
人未得書碑聊自運

歐公至喜堂記山谷書國初殘石尙
在徧訪不可得當是東還後所書二公

氣立萬物表白傅西來恨太早中間題壁有蘇公作詩父子三

人同蘇公兄弟晚飄泊壁詩磨滅無由蹤

三蘇至三游洞皆有
詩東坡有三絕句留

石壁放翁
見知磨滅久矣

尹余繼去衆已駭元祐黨碑滿天下平生師友

如雲龍萬事升沈付埃馬歐公有母黃有兄至樂天與誰能傷
但說山川蒙藻績豈知點畫含風霜縵庵縵庵來惜別吾家風

義足可惜公家事了栽紅梨烹茶讀書且面壁

題安周造寺功德碑拓本

和林墨本寄從俄唐闕特勤碑會俄人之用片石韓陵未足多為報

審音鄭漁仲孔書早過幹難河碑為佛法立而文中始覆一贊

幹河

武梁畫象勤鉤索海外翁黃大有人可惜柔然紀功石枉勞才

筆選詞臣曾見德人著武梁初畫象攷刻本一巨册博采乾嘉

生其姓字皆用漢字餘皆德文惜不能讀也魏太安四年伐柔然刻石紀功

題顧亭林像

審韻探碑絕業餘子雲後世竟何如薦紳坐論裨瀛外辛苦親

編肇域書

河朔江南幾大師百年儒術漸支離夏峯不作南雷死瞻仰神

近代詩鈔

黃紹箕

姿一涕洟

題惲南田像

流離生是拔心草窮老猶摹沒骨花京洛貴人爭購畫誰知忠
孝舊傳家

絕藝同時石谷翁曾看侔色尺綃中兩家神逸誰高下多恐吳
生是畫工

題陶齋所藏秦權

秦廿六年并天下刻辭金石壹華夏萬事如畫明無疑咸陽宮
中鹿化馬百斤量衡書中程千石鑄鍊金銷兵此權當時在何
許王府和鈞儻有名尙書嗜奇勤攷釋藏權凡七此盈石隗林
隗狀知誰何太息摩挲相斯蹟

竹添井井招飲龜清樓卽席賦贈

少年暗誦棧雲詩今日高樓接履綦仙劫三經塵海後儒書五
厄晉隋時左毛古義勞甄述秦蜀前遊入夢思莫問袖中活國
手喜瞻頭白老經師

留別編書局同人並塵書衡比部

少作雕蟲悔已多九流晚出各殊科微言大義愁乖絕舊學新
知賴切磋黃帝教來烏拉嶺素王書過幹難河鎔模采算勞甄
錄江上精廬眼細摩

題王幼霞秋暮懷人圖

圖爲某君寄江總樓霞寺斷碑作

涼蟾窺戶天雨霜草木黃落雁南翔所思遠道不可見何以遺
我球琳琅南朝令僕兒戲耳文字翩翩差可喜缺碑盤木昔所
嗟丹青不渝今復爾憶昨將車鐘阜側過江名士多於鯽酒酣
說劍無留行念君縱橫掃破墨嚴颯颯颯違清尊芰荷落盡風

漪痕青山一髮江南路我亦悽神虞道園

送沈愛蒼廉訪之任廣東兼懷太夷龍州

少小結交三山王相視歐越如家鄉

余少交王忍盦前輩因緣
識閩士甚多忍盦有小印

王曰三山
王耶

王家快壻陳學士潛伯弱冠文采雛鳳凰春燈社客頗識

面不獨陳

齊緘
齋楡春

同歲良驚才橫絕見稍晚長樂鄭生閩沈郎

沈郎磊落稱將門斑斑虎豹多文章京華病起乍握手見我笑

語猶疏狂廿年江海數離合家國寧止三滄桑官齋劇譚氣未

減却顧存者皆老蒼太夷臨邊坐嘯詠千奇柱腹一不償儒家

議兵要知本思通道弗安農商憐君欲去夜籌筆規圖橫海心

傍徨無窮止在不聞見助君有目誰能張中條山色亦不惡斷

鼇南極須扶將柳絲送人綠挂眼海棠如霧彌紅妝昨宵風雨

落如霰猶堪把酒看丁香萬期浩浩一彈指但惜尊前華燭光

海南波瀾殊未歇鄰火恐及池魚殃效奇或在職司外聖奕無
譜醫無方不知蒼梧雲盡處善持單複師何長因書爲我致問
訊迢迢萬里參相望

留別譯學館同事一首

結想無窮力不任住思避席去霑襟依蘭傍玉慙非質叩角彈
宮感合音風暖漸扶荷出水露濃剛護柳成陰漢江夜夜嬋娟
月長照佳人萬里心

皇朝通志卷之五
 一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

近代詩鈔

梁鼎芬

鼎芬字心海號節庵廣東番禺人光緒庚辰進士官湖北按察使

石遺室詩話節庵少入詞林言事鐫級歸里又避地讀書焦山海西庵肆力爲詩時窺中晚唐及南北宋諸名家堂奧佳處多在悲慨超逸兩種如興往思友生悲來涕山川到門驚老大臨水與徘徊兩湖舊種應成果他日重逢莫問年纔見一筵笑俄分百里天千齡一日積此日誠艱哉觴急可以緩花落還當開百年紅燭短一水夕陽深花前絮後無人在檢點青苔月色昏江水不可涸我淚不可乾客行頭漸白人坐燭微紅一水飲人

分冷煖衆花經雨有安危聞鶯未識誰家柳臨水難回
少日顏園丁未服生疎鶴春色猶妍老大藤漸與世疎
詩筆放偶緣春好酒杯寬衝船雙鷺去列岫一亭收事
過百年人始貴我無一物意還多啼風一鳥驕臨水數
花諂諸聯皆可入主客圖者全首如窪尊煙雨圖秋懷
湘舟雜詩傷春全亭晚坐荷花畫絹春日園林同孺老
北郭游園歸皆綿邈豔逸至哭鄧鴻臚種花閣公謠諸
作則雄俊矣

出都留別往還

淒然諸子賦臨歧折盡秋亭楊柳枝此日觚棱猶在眼今生犬
馬恐無期白雲迢遞心先往黃鵠飛騫世豈知蘭珮荷衣好將
息思量正是負恩時

窪尊煙話圖同楊鼎勳張琳作

我身不願化千億登山望鄉空太息如何茗上牽此懷兩客沈
淪世無識窈窕尋幽肯不來亭中之人安在哉石臼杯飲亦常
事惹人片片傷心苔三十三天果何處單牀皎皎吾已曙向憐
駿馬絡青絲絕美溪山纔一駐人間無事不心違擁樹巖雲鳥
未歸少陵空有開元憶醉病江頭對翠微

哭鄧鴻臚兄承脩五首

秋新葉已故搨然委階黃隻禽悲我前不知是何祥啟扉接凶
問反復旋目睚已矣吾伯訥一瞑萬世忘不效君與民竟舍兒
與娘世無此丈夫使予肝膽傷

雲霞念京邑數日輒一請詩貪和仲間文則同叔勁瓶醅昏更
深几燭曉猶正商量入世事貞肅出天性權威皆縮氣苟邪私

保命盡言識臣賢納諫欽主聖試觀已往事誰曰天不聽哀哀
不如草階前指其佞

孤特標一概不諧者徐孫公廷有夔龍敷奏將何言涕辭文石
陞身老梅花村俄充割地使遂出南關門衝林截猛虎嘯木矜
故猿無懼神乃靜有恥命益尊能使狡暴折不恤瘴厲屯辛苦
稱深宮碩果迄不存孰謂山木壽五載焚其根傷哉南海叟

潘謂

老孺頭白還哭君

昔吾講豐湖書史略以潤樹木句天功教士扶世運還鄉一笑

握誇我今已僅崇雅院繼設尙志堂與近

君在湖上殿崇雅書院
又在湖上殿崇雅書院

終風獵芳林區區亦幾燼離尊瀉深衷一語獨弗信青蠅正羣
飛無憚不必忿賤士戴如天後世視猶糞何以裂兕手一發不
再振莫論冥冥理雨灑愁一陣

江水不可涸我淚不可乾回思細席言婉變保歲寒懷歸苦不成再見已爲棺莫過孟博祠壽考古所難莫飲清醒泉來視吾已單

泉

在湖上商築亭未成君先題聯云

虛吟朱鳥影空拾丹

鳳翰卹勞典不逮沈抑其誰干俯瞰九原底仰矚浮雲端潛然

獨夜人憤慨於茲山

秋懷

羈情了無泊拋去又相尋聞雁知兵氣看花長道心百年紅燭短一水夕陽深獨有雙龍劍時時壁上吟

湘舟雜詩

一點君山翠媚然對翠霞僧門因樹失樵路入雲差竈冷勞求藥身閑自啜茶飛仙有誰見天暮羨歸鴉

湘人思窈窕溝水悵西東瓊藥延年少瑤笙託恨空客行頭漸

白人坐燭微紅喚起芙蓉夢春花一笑中

提刑署園春梅未花伯嚴以詩催之因作是解

乃園百梅歲歲花去臘雪厚堆損芽公子巡簷日幾匝一笑不
到春風榻佳人閱世心自瘥收視反聽謂如何明知此事已成
例眼前難必奚論他我攜酒盞奠山腹願以一言媚幽獨幾許
芳華委路塵深藏窈窕寧非福嗟爾還存太古春世生席溷總
成因浮花浪藥問何事不露文章方絕人寒煖無憑晴又暝冶
願難強英魂醒酒喧詩競付人間不如寂寞空山定

、傷春

微雨送芳辰花開那忍看朱樓人未知催熱雙鳳炭不愁容顏
改但恐時節換門外柳何窮奈此春鶯亂

全亭晚坐示劉生振騫楊生壽昌

閒居萬物照心魂陶器單衾與我存一月出林添綠淨數花當
戶及黃昏讀書前輩還勞想問字諸生已在門須使九流分派
別猛思江海正渾渾

春日園林

芳菲時節竟誰知燕燕鶯鶯各護持一水飲人分冷煖衆花經
雨有安危冒寒翠袖憑欄暫向晚疏鐘出樹遲不是無端感春
序樊川多日鬢如絲

懷人一首思道希慶笙也

豫章出佳木南海有清淵威鳳光照世神龍潛自然感時多慷
慨束物猶拘牽興往思友生悲來涕山川浮雲西北互兵氣東
南纏殷憂啓明主真想見青天音聲均一竅琴瑟偶兩絃涼颼
拂金素夜淺情不眠茗茗千里曠落落二子賢裁詩屬寒店待

札慰長年

答楊模見贈之作

君初渡南海修禮謁靈光

謂東塾陳先生

高第推于

式枚

文

廷式

結交

為輩行摳衣甫一歲起起公不祥二子既分逝君亦返所藏我

時簡往還但親講席旁蠢蠢十年餘識面在他鄉四十尚僂俛

不遇能有常貺我琅玕篇字字剗肝腸吾師體大雅所學造光

明菊坡接學海

先生自述為菊坡精舍山長數十年至老為菊坡精舍山長

成就難具詳胡

錫

燕趙

齊嬰

啟始秀踵起有廖

廷相

王

國璣

譚

宗浚

黎

永椿

饒

二林

國贊

各以一詣張馬

貞榆

沈

葆和

最樸潔教廣陶

福祥

與

楊

裕芬

後來富俊彥略記溫

仲和

陳

伯陶

汪

兆銓

哀哉馮孝子

梭光

陳生

樹鏞

共悲傷薪火已親執天年竟不長

先生

遺書

付數

無度

年死

縑次

三十

耳親

巍巍崇雅樓

禮先

疏小

雅夷

不亂

可居

不崇

之意

樓名肅肅傳鑑堂集有記以先生讀資心知治亂故處士不敢揚

著筆正學術攷古定樂章所懷在明備夢寐游虞唐發揮七篇

祕明白一世盲恆於侍坐時言語聞慨慷惟中有束縛同舍罕

一狂亭林有異同二田豈頡頏先生嘗語門弟子曰吾所吾友

記未盡空來泫雷塘慶一笙欲仿雷塘後又欲撰年記書例詳述先當

年松廬側十三歎孤生同治十年先生親至外濠故居以初印

座前焚追隨逮東塾得一每十忘承先詞鄭重二伯祖鵠廬經深說

壬辰程侍郎典試粵東以經通鄭學拔取庚子會試為胡叔祖

為守節心慚惶祭田二十畝春秋以蒸嘗鼎芬既歸百里與同門

田置祭文孫如小同不止解凡將端溪廣雅從三年遊所愧一士賤不

稱百鍊鋼君才甚英邁曾熬南豐香流連天人策倘亦念畿疆

還思無咎室先生讀易處在精舍東晦若中鋪六尺牀偃仰不

再見見亦非故房世事如一碁小者先莫量黑白苟未判敗亂
豈有央山中頭陀盃寄林散閑芳涼月隔新醉隻雁忘故創江
流日如此舊學嗟茫茫

荷花畫絹

縹緲秋江絕世姿玲瓏湘管斷腸時紅蘅碧杜長相憶玉露金
風要自持欄檻有人傷晚晚衣裳在水寫參差綠波驕盡芙蓉
色朝攬蛾眉諷楚辭

種花詩三首

井序

今年十一月三日催漕黃州歸購牡丹數十本蒔於庭
下余復補梅杏八株花開人閒可以忘世或譏余曰春
花易零奚不松栝之嗜余未及答種花某者足槃跚而
前曰花佳哉人生如過客草木非我有吾爲一時之觀

不必百年之壽醉斯歌斯何暫何久千秋萬歲誰傳此

叟余感其言作爲是詩

懷哉棲鳳宅三花親種之

芍藥海棠丁香皆客京師時所種

十年過幾念步春

到江湄平生何所慕堂堂蘇峨眉黃州地貧曠牡丹出新詩當
春暮還斂冒雨重不歆吾叔故好事犯雪祈其姿水陸竹間有
歸船豐一節此花自深靜名宛世上兒貧賤思富貴口口方可
危把醪三太息其諸銘我辭

畸士宋王冕棲神九里山黃緣梅千株料理茅三間花豈有今
古人自分忙閒侵晨抱甕出搯搯力已殫笑余攪何事對花但
羞顏有山不得隱有家不得還雙溪一樹月清風飄人寰

山白雲雙

溪寺梅花至佳久擬築廬守墓未果彷彿如昨日風雪吾未屨

杏花美連娟纔開賞不及佳人跨紅鳳絕世而獨立華采自然

近代詩鈔

梁鼎芬

六

貴秀色不可拾裕之致殷勤芳馨滿其集廬山有一董種樹過
百十杏穀換以器志在賑貧急神仙如可學此意吾已給夢遊

臥龍庵藏知共春泣

余欲購廬山臥龍庵爲草堂王蘇州贈
費七十千今王沒兩月矣思之潸然

魯子敬墓下作

漢家火德弱桓靈板蕩衰獻帝操敢繫豪傑難羈縻仲謀骨不
恆藉手父兄基破虜最忠勁討逆英且奇無命一再蹶孝廉非
哭時臨淮有名士瑜瑾龍鳳馳奚不相輔漢抗議多奸欺王室
不可復規模亦何爲徒使冀幸語搖惑英雄姿因念天子聖保
邦於未危疆守苟傾蹙扁鵲非良醫何況才智士內熱多所移
羣雄日縱橫聖化日凌遲各驚功名場元首誰護之奮武已千
載經過激我私高墳依城立春草青離離惟有江上月照此無

窮悲

寄題十桂堂

有序

武昌節署園有十桂孝達尙書取以名堂題額云樹皆
舊物不知爲郭華野孫文定阮文達林文忠何人所植
名此以著封殖嘉樹之意復書魚鳥親人濠濮想桂山
留客楚騷詞十四字爲聯託慕高遠往與香驄叔嶠吟
眺其間木石蒼秀恆不忍去別已一月爰寄是詩達公
補重陽作有寒煙去雁窮懷抱之句蓋用范文正漁家
傲詞旨並以廣之

桂山留客酒頻傾絕世芳菲不自呈樹木盡憑天長養樓臺全
向日光明投林空笑鴉爭暝臨水誰知鶴獨清莫羨希文窮塞
主歲寒心事更崢嶸

攜酒菱湖亭上

近代詩鈔

梁鼎芬

七

二月春風陌上閒飄零尊酒又看山聞鶯未識誰家柳臨水難
回少日顏寄傲羲皇陶令醉許身稷契杜陵孱古人志想無尋
處空有遺文落世間

題芙蓉花

酒醒見畫忽長歎木末斜陽半在欄一水芳華秋後褪傾城顏
色夢中看瀟瀟碧雨遺荷佩黯黯紅燈服桂丸千疊愁心消不
盡畫簾垂地更香殘

孝達尙書招同陳

三立

陳

維垣

楊

銳

江

逢辰

集八旗館露

臺展重陽作

萬家烟火入登臨想見陶公作鎮心江國水寒花寂寂湖隄秋
綠柳深深浮雲不散天如墨夢雨初成酒滿襟留得他年好相
憶一時龍虎動高吟

夜雨二絕

點滴空階不忍聞
太清何事綴微雲
斷腸最是芳菲節
一例摧殘竟未分

清魂幾度託深山
爲戀東風不自閒
亭館淒迷燈燭亂
惹他蜂蝶滿人間

同孺老北郭遊園歸

昔年芳草尙畦墜
人漸安閒衆力興
已見屋廬還舊日
欲尋花藥共良朋
園丁未服生疎鶴
春色猶妍老大籐
看畫嘗茶無一事
窗簾風細又飄燈

春郊試興

行春自笑忘春華
落盡平原桃李花
自薄空林喧野鵲
路通叢芮辟垂蛇
仙人樓閣知何世
大道煙塵不是家
要合城中二二三

友可能閒曠燭幽遐

余在家別道希旋遇於上海將歸江西賦贈一首

天風吹雨飄東西悲喜離合不可齊我行旬日君亦至軒然黃
鵠無一棲丈夫挺挺慎所合白璧豈肯污緇泥君於同輩最雄
駿讀書學道他則迷纖兒細事豈挂眼吐氣直壓千狡獍廬陵
後裔終奮起况兼祖德章雲霓祠堂未了廿年願蹉跎往昔應
自悽久聞萍鄉美風俗既賤魚蟹肥豬雞桃源豈必無世上此
心清曠多山谿君今還家我爲客羣兒笑髯顏色黧免患不懼
衆莫知無罪猶恐古有嵇斬蛟剗兕豈余事剗肝瀝血憑人擠
明年春風江上來清酒一榼相與攜願君射策若賈董吾儕有
用蘇貧黎

端居賦興

閒庭雨過晝添寒柳竹青葱俯一欄漸與世疏詩筆放偶緣春
好酒杯寬石脣苔潤初安白水面萍分獨下竿惟有佳禽笑多
事中年心意未闌珊

幽居一首

萬流正喧吸一月眷嬋媛芳草知能暖春風與閉門揀詩歌有
木治痲惜無萱徒抱千回意抽琴軫不存

豐湖夜泛

秋辛秉金肅湖寬取月斂收書積萬想理槳放一覽疏風弄黃
柳淺路犯枯葦軋軋雅團林戢戢魚入慘寺近獨知門山遠微
出檻佳時失恐易好境得在漸夷曠卽無滯清明不受點游泳
可以歸徑往吾豈敢

從水陸街宅步至野塘

西街幽僻獨吟身景物撩人處處新
水暖春漁初放子日長文杏漸生
仁玉編金軸方難得白石青溪意
可頻大化自然閒始見十年前已
損心神

春日憶海西菴兼懷佛如

不敢憶家鄉故山先斷腸
桃灣花照水柏院翠連房
識字僧初病銜泥燕已香
頻年讀書地明月獨棲牀

周七蝟蟬齋移居詩和韻

撥懦蝸琢隳蟲書人海安然小
泊廬別館試花詞客宴連牆
通月舊時居庚辰所居與君隔牆
窗閒野馬真能悟江上瓜牛恐
不如蠻觸

紛紛判一閨回黃轉綠那關渠

游龍丈故園追悼遂與表弟鳳鏢別

鹿已添雛竹有孫再經華屋愴
生存清光猶見當年月芳意曾

題半畝園遺器東廂吾忍覲明珠南越世方喧射雕身手湮沈
早不縛天驕大此門

龍王廟問朱一新疾

古槐一兩樹鍵戶臥經時秋蝶多垂翅寒蟲不吐絲藥乾僧代
揀衣少僕能知勿以幽憂極遭逢有國醫

陳提刑文居山下日過診視山

花朝泛甘棠湖遂登煙水寺

雪後微添水春中尙衣裘衝船雙鷺去列岫一亭收細雨青苔
意他鄉翠柳愁江湖應有屬隨事又淹留

晚泊

疏林春月淨遠水暮鴉遲小泊當松下初愁及酒時江湖非昔
日魚鳥與新知夜半聽湖響舟人已解維

寄題高氏園林

一水湖南宅片雲苔上花相思盡風月雅韻并琴茶留客看新
竹浮春製小槎祇憐夕陽下猶有未歸鴉

十六年長別江湖我獨來到門驚老大臨水與徘徊履迹棲苔
徑詩題奇石臺南樓應更好何日共銜杯

讀葉損軒都門雜詩有簡兼寄林昭通

新翼飛一覘佳篇冷時閱俯仰四海空纏綿九愁熱十年不到
地夢往風光折春暄觀中苔水染湖上月豪華紛滿眼上牋庶
一徹陳人不厭脆昔心奈徒設惟有閩社英涕零已離別

同陳生衡恪觀乃園桃花

四忠祠前桃十數梅杏遞過今見花枝柯蔦綿交蒨粲獨吸清
露施明霞畦鋪黃菜風引蝶徑掩綠草泥跳蛙初疑官舍那有
此彷彿已入漁人家憑欄圓賞能幾日綺錦年華未應失一物

剛柔亦有時此花吾可看成實

无咎室憶晦若

梅花如玉綴苔枝曾照晴窗點易時
南北路分何日合風雲事
速獨君遲義山濩落裁詩怨根矩
淪飄得食悲閒却長楊詞賦
手上清魂夢各淒其

翠微一首

更無鸞鶴刺天飛獨對斜陽憶翠微
上界最諳餐玉訣侍童都
被縷金衣千株桃杏翻明錦一隊
笙簫逐紫駢始信神仙原咫尺
不勞雞犬說知機

訪潘孺老雷瓊館有贈

雪殘萬念入支頤羈羽沈鱗共一詩
瘦固勝肥誰則覺生何如
死世還疑棋當危局須心力花到
良辰已鬢絲每恨古人吾不

見掃除獨見閉門時

雲帆方丈出示宗室侍郎所遺帶時侍郎新逝感悼書此
蘇公留帶偶然耳後者文襄一場公今竹坡事過百年人始貴我
無一物意還多較量興趣難慳句想像神儀各有科心斷蘭叢
霜一霎閒堂獨在夜如何

閻公謠

戶部尙書閻公掌司財賦已來整理搜剔官吏咸悚近
擬裁汰孤寡口糧以節國用貧民憤怨作是哀之意淺
辭煩蘄誠聞者世無白傅聊存此心云爾

聖清重民命忠厚開基長太后武且仁隻手回金湯錢刀犒勞
役粟米振凶荒廣敷列聖德永蔭萬世昌孤寡至堪憫定例頒
口糧行之百餘載未見有所妨尙書田間來悍然嗤舊章彼小

兒老婦奚亦竊太倉有恃不謀生國庫豈債償裁之截其濫獨
斷莫敢搪在官諸少年附和因誇張誰知道路哭已掩日月光
臣聞理財用無政事不良賦稅舊有則江海今通商歲收八千
萬較昔一倍強勇營耗天下極費最北洋江南多冗宦飽食不
較量省一營一官勝如算糶糠漏卮屬情好無告乃可戕用心
既不厚行事亦不祥臣言若誣訕神鬼森在旁憂心日如醉長
歌慨以慷

張尙書移節湖廣送至焦山長歌爲別

南皮尙書今大儒目營八表勇萬夫謀國則肥身甚癯憶昔簪
筆承明廬抗書直諫心膽麤剖析衆理抽繭如一時盛事傳都
俞宣仁之治中外孚我方待試東城居未見韓范恨有餘鯨波
俄起爭叫呼天子南顧心踟躕延英閣開羣彥趨謂并州牧宜

海隅界以南交縮兵符羣兒嘻嘻皆可奴公獨感激爲馳驅乃
求將帥整師徒吾鄉馮異三尺鬚充國威名復見渠龍編朱戴
歸版圖凱歌未奏戰者誅大官好和如一鑑小臣往疏真狂愚

主恩寬厚還田閤豐湖學舍教可敷有祠祭范廟祀蘇

范孟博
先生祠

蘇文忠公祠皆余
主講豐湖日所建

衰俗思以隻手扶但願呈材貢天衢東林之

派多榛蕪識公一面記厥初清詞竟日霏瓊琚饗軍堂外事已
徂及時課士洵良模端溪舊院補竹梧廣雅宅地惟番禺千萬
間厦才俊儲寬收慎選不濫竽自恨短淺迷津塗兩點講席無
可書閒者論事所見殊別後一一猶能摹無耑朝議誇紛鋪命
公總制移兩湖貪人視官甚擣蒲南北萬里惟我漁馬昭之心
喧道途且復辟地過須臾諸生流涕追送余紛紛歸去藏村墟
我皇冲齡文武俱惟此大臣實貪汚白日賄賂行皇都苦我蒸

黎媚羌胡泄泄沓沓深可虞請劍恨無漢廷朱望公愛國不愛

軀發揮忠悃章皇謨曲江贊皇願莫虛

贊公有心之句

豈復計

較羣讒諛山中話別日及晡清風明月相思無此生蹤跡依菰
蘆讀書遯世胸恢疏他年稱叟當號迂旌旗已遠歸步徐獨往
江頭觀打魚

同慶笙淵若子正菊坡精舍夜談及曉

雨歇坐還好夜涼人未歸檐花飄茗椀春月曬琴徽語默各有
適寂寥良所希因懷同學友

謂晦希道

著吾幸識涯圻

述哀篇

我生四歲始學書日識經字二十餘偏旁點畫不可定錯亂便
倚慈母呼是時家在樂昌縣大人賓客無時無閒論詩品說劍
術小子未解心歡娛親年強盛偶還里禍患竟爾乘須臾仲秋

近代詩鈔

梁鼎芬

十三

之月歲乙丑母病虛緊寒痛俱少頑那識壽親法自此無母悲
何如五年苒苒忽長大十二隨宦過湘湖天胡不惠降凶閔九
原從父志罔渝遺言在耳痛定省忍死遂受人間污貧喪千里
兼幼弱更有羣賊橫前途艱難待盡命不盡家鄉乞食從諸姑
停喪不葬古有禁時無魯公猶恐誅蹉跎今日始銜土出自東
郭歸北郭旭輪新升積陰散族黨相送還相扶先人孝惠在衆
口因歎盛德憐此孤椎牛而泣亦人子親戚旣沒徒悲吁玉髓
奇經豈神驗惟憑吾志驅幽誣作詩聊告妻與弟知我罪疚猶
呱呱

讀鄧輔綸白香亭詩柬伯嚴三首

秋葉蕤蕤風墜枝隱几仰天微弄髭陳子敲門踏破月誇示於
我彌翁詩拳毛竦動筋骨瘦莫是渥洼千里兒嗟乎騏驥不易

見時無九方到死賤

龍蝦同一流駑駿均一駟奚以百年短負此衆類憂朝唏夕喙

不自覺亦有載酒行江頭杜陵生來茅屋歎天寶不綱親患難

異代悲哀鴻雁篇腹裏琅玕想零亂道光已酉湖湘大水集

名士之詩亦如鯽妖嬈倚市較顏色貞元盛會手難回小雅盡

廢心自惻老柳婆娑無復春武昌一水愁鄰鄰范家叔矩漢風

俗灑涕憐才聊語君綱之爲江寧文正書院長發已一月

歲暮書懷

到處門符換舊題歲除風物更淒淒庭梅受凍紅猶勒瓦雪黏

空白竟齊悶喚茗童煎淡菴笑開酒母酌鹹齏江樓一夕成今

昔零落春魂只自悽

崔四

舜球

殯歸子

其隆

書來告葬日會哭二首

近代詩鈔

梁鼎芬

十四

同官才俊服君賢清獻遺風在簡編直諫有心嗟不待深懷相
許幸能傳雪晴野窄論花價月冷斜街數酒錢何意匆匆眼前
事樹頭黃月已如煙

誰解申屠推輦悲鸞飄鳳泊斷深期登堂拜母揮新淚下榻留
賓想故知入夢尙如平日好訂交真恨上京遲他生相見曾無
定悽絕寒天祭冢時

竹坡侍郎有詩寄問焦山長老因次其韻

一朝江雨起微波天女拈花解笑多猶憶敲門立秋月欲緣詩
案訪東坡

雨打風吹臺館空紛紛勞燕已西東平生未識彝齋面一點青
燈此夜同

題李猷續屍記後

巨奸掌朝政天子居深宮奉天一府吏遂能殺陳東或云過激
烈挾衆非至忠我思少陽生豈忘屠子龍外怵夷狄亂內憤蝨
賊訂明哲吾不願一手嗟無功此身亦何惜長嘯還太空李君
弗懼誅甘入黨鉗中苦心覓遺骸得之郊野叢董班昔衛固脂
昔曾哀融前人雖已往後死敢不從莫言世污濁貧交多始終
孟門雖嶄絕道義爲之崇更覽詩與跋慨然發深衷

李綱題詩
陳鼎跋後

十六夜望月憶江生

樓頭圓月今就缺昨夜江行朝泊船歸去書囊誰與檢別來畫
閣我無眠西湖舊種應成果他日重逢莫問年尙有山禽說離
恨四更風露在遙天

己丑十一月遠遊拜別先隴泣賦

我生滋艱危清白幸未污先人藏體魄九載安此墓闕祭惟癸

未以外皆可訴

辛巳十月安葬壬午三月歸以時墓北行甲申九月

未
拜墓耳

椎牛竟何益戀此手栽樹如依親舍傍枝葉不改素

四時薦芳鮮兩弟共行步但使有生日歲歲敢不赴蒼狗驚浮
雲老馬竟爭路京卞燄極熾攸條勢可怖避地乃賢者魯論實
明諭夙晨肅告別獨拜意悽苦眷眷魂若逝淫淫涕如慕生事
無一粟墓祭復非故彼壽有期頤道死兒未惡飄搖任蓬累利
害輕瓦注日惜志士短窮守君子固詰朝賦遠遊何人志流寓
靈兮鑒我哀當行屢回顧

獨夜

笛聲幽怨在天涯但憶春時不憶家一月照人淒欲絕寺牆開
滿海棠花

暮過叢塚間

白楊團夕陰日收忽見火飄燐逐人衣但行不可坐世間惟二
美豪傑與婀娜堂堂百年駛纍纍一土裹無限未來人或有當
初我何不去學仙微塵乃輕墮

李智儔渡江相訪

一徑蒼苔合朋尊綠酒新何來剝啄客訪此寂寥人老柏能容
世閒花亦自春淹留實長算俯仰未傷神

雨後坐衆綠廳望七星岩有懷十六舅京師

羣星化爲石一一墮地險招要納虛牖蒼翠補疏簾初陽望彌
曠獨飲酒從儉室邇引蘭荃地富出菱芡啼風一鳥驕拂水數
花諂美景憾孤領閒門好長占佳人隔天雲思之淚爲掩

月夜一首

白月臨窗一愴神明朝鏡裏鬢毛新眼前欲語無騶卒心上相

逢半故人長夜漫漫安得旦野花簇簇自當春養雞牧豕平生
事那有流傳到此身

江生爲性寬上人畫竹乞余題詩

一春密密一秋疏真稱幽人寂寞居鶯老雁慵天色暮琅玕腹
裏足愁予

與可襟情近士無愛將瀟灑夢西湖洗肝亭下千枝綠猶記論
詩到日晡

竹林寺送客暮歸

鶴林招隱地相連不見山花放杜鵑破帽青鞋吾倦矣晴沙翠
竹境翛然鼓琴人戀將離際采藥僧談未亂前一刹那間換光
景平原爲沼已生蓮

晚春

江南三月落花深迢遞仙蹤不可尋
寓惠曾吟坡老句適吳誰解伯鸞
心微聞奏樂鈞天遠長自挑燈夜
雨淫留滯江南看頭白百年小劫豈勞斟

夢至蓮花臺下燒香醒後有述

明月轉細路寒泉響幽澗松風若飄雨
石倚儼行棧遙見墓門樹祇肅不敢慢
流離又幾日羈孤自童卯老翁告余語
浮生有葭亂

同學十數子愛我敬我親似知遠遊者
蔬菲不得陳聯裾陟山亭薦酒及佳辰
風義動行路鬱鬱能降神懷情更延望
永念徒酸辛

浮萍託山廬叢水似故里燒香上墳臺
既悲亦復喜邂逅雙溪僧頗訝形狀詭
攬衣不及言晨鐘攪人起驚夢增離傷
有生不

如死

· 答雲閣

經年幽夢託青岑一曲瑤琴攬素音道上聞鶻天豈醉水中見
蟹我何心橫江打槳風濤熟暮雨看花歲月深欲折一枝感華
髮蕭疏渾覺不勝簪

過慶筮故居

秋天墜葉打空堂何止東川屑涕傷軼事從添坊巷志故書猶
發杜蘅香十年不是尋常好一日能令八九狂依舊西風斜照
裏更無調藥到寧牀

洗肝亭雜詩四首

說食與夢飽厥後同一無何以口腹事可縛人間姝吾神貴自
然潛乃達之徒願拂衣上塵回念心地初

意質非神仙勇退亦可敬誰謂養生賢世網不全命歷塊易一
蹶萬里我不慶深深隱淪者天下以爲柄

千齡一日積此日誠艱哉觴急可以緩花落還重開獨出萬物
表心光自然回粲然若有識一點靈犀胎
燒香香已寂意銷吾如何名迹械衆生要與湔沈疴美人舉不
得隔此一片波江海日以遠霜露日以多

紀香驄楊叔嶠招同陳伯嚴張君立劉君符江孝通望雨

作

咫尺湖陰盡杳冥高樓不見遠山青一聲白鳥明煙樹半角紅
牆出畫屏眼底故人相爾汝尊前斷葉幾伶俜十年磨劍悲秋
慣風雨悽悽帶酒聽

與張琳論事談詩有贈並送歸省沅江

微雨灑清晝雨閒照孤館平子實通士兀特又夷坦暫親冰雪
寒久坐布帛煖竦身順所止紉蘭堅不損追陪有幾日舍我一
棹返千里庭闈心此官亦閒散余情似飛絮共汝江海遠勿須
怨桃花貧女嫁常晚

陶然亭題壁

冠蓋非吾願林巒終自閒亭虛先占月城近不妨山舉袂獨吟
久題詩一笑還百年有明日倍惜此時顏

江邊寫心

獨羨南飛鳥閒看西上魚優游不在世俯仰莫憐渠佳節頻回
換中情任放疏天涯寄芳草何處是幽居

燕子

燕子知何世楊花不定蹤春隨人意遠酒欠道書濃得失雞蟲

態沈深騏驥容未妨輪智叟且欲訪愚公

詩贈三能哭情捐七不堪潭龍初拜佛若鹿已生男轉處黃爲
綠出時青勝藍無人發清弄隨地有潛庵

一簣亭春望

清明集我躬曉坐露未晞靜觀花與木各各騰生機新條送秀
綠初萼抽淺緋春氣所盜覆一院爲芳菲和風豈不悅倘有冰
雪時根本苟未實繁茂徒爾爲昂昂千尺松挺挺百世姿培之
有其朔不伐終修奇得寸我當寶枉尺孟所非此亭可以睡凜
然中心危

謝王二太守兄送米

侏儒欲死君弗治清談可飽吾不飢山樓曉覺叩門急行人喘
汗知爲誰忍庵吾兄念羈獨新收官俸聊分遺尙嫌薄少意未

盡那用鄰僧乞送爲我生天幸百不死適吳一賦猶五噫疏慵
未寫魯公帖視此溝壑如居時艱難一粒亦民力無功坐食翻
自嗤丈夫會須飽天下豈以瑣屑矜其私江南百姓待澤久請
從隗始鋪仁慈

冒雨行山陂上

微襟嗜奇俠登山每及雨樹深散殘瘴風尖打急鼓高雲欲同
拏微徑肯獨取鴉啄柿香肥蛇竄草聲怒游人恆不覩溼陰况
過午山雲不可分歸目瞪如瞽

余太守招集西湖書院同香驄伯嚴穰卿作

春風二月書堂開酒人六七魚貫來柳堤新水荻芽短杏花半
在南湖隈明廊千步列芳草一綠映出疑瓊臺吹噓生氣盍胸
腹我年過壯心尙孩湘人蜀客望不見

實甫在家將
來叔幅返蜀

且以酒力

鍾詩才就中饒君

炳

善相術與鄭

儀

往返詞嘲恢遍觀坐客次

壽夭君子知命安於懷王侯將相豈有定敢以鄙論貽清裁古
書廿四况淪佚雌聲碎步升三台昔從湘陰相公久目光如電
真雄哉當時不遇身手賤葛生自負徒見排誰知勳伐卅年後
羣瞻容狀誇忠佳聞言思往愴知己曾拜檠戟趨堂階鑒量人
物比劉劭謂我神采無等儕後山虛下司馬涕東坡每動歐陽
哀邊塵不靖又幾日羣公無策驅虎豺大樹飄零今已矣蟲沙
滿眼寧復措懷恩感事重歎息一身未暇論違乖杯殘相視不
忍去水亭欲雨鳴寒蛙

紅梅和乙菴太夷石遺

人世未春花自開清晨能得幾人來小窗就煖初懸鏡短檻憑
香獨舉杯繾綣天涯長有淚喧妍枝上欲無苔定知一念差如

許寸寸相思併作灰

丰姿豔拂女蘿牆修竹天寒翠袖當雪後風前成絕代林邊水際共斜陽開簾酒罷剛迎面聞笛歌殘暗斷腸一瞬百年嗟一映瓊支禁得戀春芳

菊坡茗茗雙溪冷心夢同歸身未歸壯士朱顏兩值遇他鄉白

髮看成圍騷情不得故人面春色難沾無母衣惆悵此花折未

折眼前窈窕有依違

菊坡精舍先師講學處白雲山雙溪寺旁
墓在焉兩地紅梅絕佳昔年曾與慶筵

坐花下今慶筵沒十二年
不見此花十一月矣

嫣然幽草意求親雨過花間路少人濃淡本分前後際忙閒都付去來塵春回處處風懷薄日曬枝枝色相真雀啁芳心還未死夜深啼血恐傷神

天寒

日暮天寒翠袖當西風黯淡送斜陽壺公自有藏身訣冰氏安
知得熱方倦倚北窓聊嘯傲憤投東海豈佯狂千年迢遞孤心
接夜夜山廬起劍光

題韓致堯集

晚來微雨較春寒詩愛冬郎帶淚觀亂世崢嶸詞反豔暮年蕭
瑟事初完鸞啼幽獨看看盡馬走風塵寸寸暉鳳燭百條同一
淚今疑紙上未曾乾

誰識天心久廢商殿前握手暗沾裳從亡盧植曾河上和韻吳
融竟異鄉花好似忘春已去塵飛真恐日無光由來宦者傾人
國錯怪唐家白面郎

書憤

犬夷有意敢侵陵欲往縛蛟無此罾百口不諧非所懼四肢得

放竟誰懲至尊憂憤復廷議使相從容許歲繪一表草廬長未
達本來淡靜臥龍能

近代詩鈔

左紹佐

紹佐字笏卿湖北應山人光緒庚辰進士官廣東雷瓊道

同沈觀蒼虬游天寧寺

天寧我屢來茲遊特蕭爽開軒望西山白雲如鶴竇萬籟已笙
竽松風振奇響時聞妙香至前廊丹桂兩浮圖矗其南不知幾
十丈下有孤鳥翔極視入蒼莽昔傳有光怪倒影散窗幌常思
伺靈境異事徵惚恍槐柏六七株翠葉參天上知非百年物老
態成崛強鬱鬱虬龍姿自帶風烟長經閱幾遊人視我猶襍禪
金色見如來植立示一掌山河滿大地世界何脩廣誓度萬劫
人豈曰非非想我方讀楞嚴自笑落塵網炊沙諒難成苦搔不

近代詩鈔

左紹佐

一

著癢那能通寂照一旦祛疑罔日脚白晶晶秋暉下平壤昏鴉亦投林嘶騎動歸鞅夕磬何泠泠悟悅足心賞

三月一日石遺社長齋中宴集卽事賦詩

東城最深處閩客此爲家略有園林意小桃新著花邀人作春社把盞酌流霞詩僕尤堪喜烹調似易牙

蒼虬當馬歲餉我石遺詩自成一家則又是十年期正字貧仍健都官老益奇相從不道晚儒雅亦吾師

追攀盡豪俊而我獨衰慵且喜失近赤不羞蛇作龍靈山稱法會曹洞是真宗待取琳瑯句焚香當佛供

近代詩鈔

于式枚

式枚字晦若廣西賀縣人光緒庚辰進士官吏部左侍

郎

李寶臣紀功碑歌

恆陽古郡行署旁一碑屹立支風霜紀年建中記永泰文詞漸
泐猶能詳云我亞相秉王命世有勳祿兼忠剛鋪敦四凶翊三
主瞿惕威惠瀛滄千二百言自贍密諷詞曲筆難具量漁陽
喪亂起安史夾河州郡沈戎羌旄頭墮地胡焰盡餘星四散還
披猖陽和鷹眼偶一化神狐得夜爲妖祥淄青魏博洎幽冀各
擁旄蓋憑巖疆成德一軍最悍突明光十萬羅成行控弦飲馬
正南下百縑一擲催歸裝射堂竟馘朱司徒此功信可銘旂常

近代詩鈔


于式枚

一

一

同功石讖恨不應幽燕二帝遙相望歸來據險阻兵甲蟠屈薛
李連田梁輔車勢成窟宅定謂可高臥常山岡豈知凶德不再
世羆羆生不如封狼徒資部曲取旌節同開大鎮康王張蛟龍
匣毀奸骨朽巍然片石經滄桑獨留一事證史闕題銜特誌清
河王摩挲苔碣百感集蹉跎國步哀中唐代德以還那可道風
塵瀕洞昏東方威弧不弦斧鉞鈍徒恃文物糜豪強凌煙圖畫
紫微券一一狎視爭騰驤更勒豐碑紀勳績追逐方召參翺翔
峨峨西平興義陽庶幾無愧桓文襄華州曾頌李全諒成都復
紀韋南康此外文字僅羅列何啻中國紛蝸蟻八紘一裂不可
止顛倒功罪由文章陸蕭正色拒趙魏幾人獄峙中書堂鄒公
之銘出吏部無乃少損日月光矧茲幕府頌功德豈容著手爲
低昂百年運會一分合燕將語在非微茫章武昭肅恢大綱手

持魁柄臨八荒蔡齊并潞齒神劍河朔淞子眠如羊淮西碑付
段文昌盧龍銘勅李贊皇英衛之勳燕許筆兩朝將相何堂堂
文石無言任雕刻誰留穢惡傳芬芳從來上策在自治罪言盍
憶司勳郎



近代詩鈔

陳與岡

與岡字弼宸號緘齋福建侯官人光緒庚辰進士官翰
林院編修

送鄭蘇龕南歸

白頭爲此別青眼向誰邊刻苦傷春意沈吟中酒天滄波容浩
蕩歌管自清妍難遣東風思應知倦未憐

送梁星海同年歸番禺

健羽思圖南未秋氣已逞倦雲偶因風歸意乃愈猛由來慷慨
士投足無坦境憂時心自熱觀世眼方冷嗟君富盛年粹若金
在壙讀書露芒角洒翰脫鋒穎昂然胸吐虹譬彼喉探鯁燔膏
良自馨別玉不蒙省道存身不用素志固耿耿長安足英俊冠

近代詩鈔

陳與岡

蓋競馳騁要當驂龍鸞底用侶鼃黽弃官亦浩然惜別轉悲哽
丈夫志道義所立豈俄頃感激貞其窮造就視所秉螫龍善用
藏失馬寧非幸茲行亦何悶綦縞問鄉井良欣卸簪巾且喜車
馬屏涼風漸吹帽病柳瘦綴瘦巨螯行可持金菊散妍整傾觴
以娛君未遽愁夜丙亮爲十日留固願不敢請相期崇德心勿
忘隔路永

臨行示履新二子

強著朝衫作散官所嗟百事盡艱難青山我已埋兄骨長日兒
宜勸母餐中歲光陰如石火貧家生計只儒冠要知南北懸懸
苦早晚緘書報暖寒

寄南中諸猶子

懶隨青瑣赴朝班直爲饅餬又出山但使諸雛能茹苦不妨倦

鳥且遲還種松新壠魂應戀乞米金門鬢易斑日暮下斜街畔
望雁聲悽唳斷雲閒

登樓懷兄弟

十日空齋雨又風蕉花桂子落成叢無人解會登高意萬疊青
山滿眼中

山陰湖中

十日空齋雨又風
然其詩士落如蓬
旅人頗會登高意
莫覺

登舟時尺牘

望眼幾時迴
望眼幾時迴

望眼幾時迴
望眼幾時迴
望眼幾時迴
望眼幾時迴

近代詩鈔

郭曾炘

曾炘字春榆福建侯官人光緒庚辰進士官至禮部右侍郎有亥既集

檢舊篋見前議三儒從祀孔廟疏稿感賦

梨洲倡民權船山區種族匹夫任興亡亭林志尤卓諸賢生不
辰采薇踵芳躅危言或有激大旨無躋駁禮官議從祀抗疏紛
牴觸吾獨不謂然反復再補牘專制數千年本沿秦政酷世變
窮則通安能終抱蜀濂洛信正大學子已倦讀欲起頑懦風此
或置郵速魏公始扶漢正色秉鈞軸杜斷破羣疑豎儒皆讐伏
詔墨猶未乾嗚呼舊社屋誰歟借筮謀構此累棋局崑山重行
己廉恥盡胸縮衡陽述西銘胞與自屠戮證人有緒言良知久

近代詩鈔

郭曾炘

一

一

已牯邈矣三先生遺書孰寓目豚蹠何足歆神州且沈陸煌煌
宣尼宮行見茂草鞠風懷矢不刪竹垞乃先覺九原誰與歸泫
然披故籥

禮部舊有韓文公祠南來軍士借駐毀爲馬廐感賦

韓公道德師百世兩廡位在先賢次翰林土地祀已藝劉井柯
亭久煙廢春曹祠宇肇何時數典無徵亦其例我忝秩宗近十
稔香火歲時親展拜去年棖桷甫一新廟壁貞珉待撰記容臺
禮樂重專司壽草長春尙繞砌鵲巢鳩居彼何人趙壁一朝易
漢幟石龕作槽馬草堆栗主爲薪煙煤棄王師昨者臨漢臯釜
底游魂誰汝貫無端南北講弭兵怒馬鮮衣各自恣公文元氣
入肝脾公神如水流萬派騎龍來往白雲鄉豈戀區區一席地
凝碧管絃自古悲平津車庫等閒事滄桑陵谷何所無安用金

仙苦垂淚

檢藏書感賦

吾家黃璞里通德存賜書久宦偶歸來什九飽蠹魚先疇無一畝安得帶經鋤春曹三十載不曳朱門裾閱肆掠賸殘累積寸與銖一日未釋卷寢饋與之俱亦知玩物戒聊勝博奕娛甬東天一閣吳下士禮居小大相絜較潢潦於江湖萬錢愁塞屋措大真窮途

延秋夜唳烏達官盡避走栖栖復皇皇可笑喪家狗妻孥亦何知作計隨人後旅瑣悲焚巢自貽復誰咎失火賀參元吾思柳子厚區區保叢殘無異千金帚長恩獨何事殷勤爲我守炳燭念餘光雅意寧忍負歲除修闕典會當酌杯酒泊宅無安居此願竟償否

近代詩鈔

郭曾忻

二

黃石齋赤壁後遊圖爲黎潞庵編修題

墨妙因緣一斷碑平生忠讜見風期大難隆武支殘局始信熙
豐是盛時

典禮院移交專竣將赴津門留別闔署同僚

襤被蕭然出國門卅年回首舊巢痕多慙僚友勤攻錯及見輿
臺長子孫執手路歧餘老淚隨身書局亦君恩劫餘插架叢殘

帙故事漁洋莫更論

春曹故事同人有遷調者留書一部爲別
相傳始漁洋先生往時祠祭司廳事度藏

多至數千卷庚子之亂
散失略盡此舉亦廢

偕朗溪蘆臺訪熙民叔姪邨居

咫尺桃源得問津不知門外有風塵橫流長恐栖無地空谷今
纔見似人岸上牽舟疑可住籬根分井便爲鄰芋羹豆飯茅柴
酒草草杯盤一味真

除夕感懷示元離

新曆已改歲舊歲今方除歲行終有盡強留亦斯須時態日趨
新棄舊如土苴迂生尙沿習古風守鄉閭旅居斷人事久已忘
居諸今夕獨何夕爆竹喧吾廬童稚自歡樂迎笑各牽裾我亦
聊酩酊痛飲傾屠蘇夜闌燈燭灺兀坐猶擁鑪默數一年事喟
然增感吁上元遭兵火家具蕩無餘盛夏離京塵轉徙未定居
荒廚無宿食敝簾惟殘書同志僅三兩窮魚相啣濡此身已疣
贅舉足皆榛蕪不怨天公醉但哀黔首愚春陽方啓蟄萬彙咸
噓枯云何閭閻間怨氣慘不舒舊歲稱已矣新歲復奚如登高
望四極目斷仍愁予廟堂凜朽馭揖讓希唐虞羣小各擁戴猛
虎猶負隅含沙有射蜮篝火有鳴狐爲劉與爲呂袒臂爭一呼
周衰裂七國晉亂興五胡瓜分與豆剖安能量前途牆東王君

公避世真吾徒一官棄敝屣不受俗塵汗閉戶日課詩孤憤聊
自攄神姦鑄禹鼎盡態供描摹唱和有錢劉詩債劇追逋但矜
珠玉富未問儋石無人言窮坐詩廢詩何以娛懸知此時節向
壁猶呶唔東方漸啟明門戶換新符願迴愁苦思破涕爲歡愉
勞生無百年流光如隙駒吾儕幸偷閒世亂偶全軀此心自太
平世路任崎嶇夢中有樂國相與尋華胥

重九前三日薑齋約同熙民爲翠微之游遍歷諸勝晚宿

龍泉庵追憶舊游漫成二章

山行宜秋晴出郭曠心目輕裝趁颺輪俄頃達山麓小憩得泉
頭暫洗塵纓濁名蹟檢圖經略數得五六畢景期前躋尋徑欣
舊熟絕澗無真源崩崖有古木禪林半已荒碑記聊可讀茲山
邇郊畿軒蓋日往復登頓雖不勞敗意常在俗我來弔滄桑感

歎別有觸十年闊游蹤勝侶偶然續健齋惜不與憶此對牀宿
當時一夕話枯棋忍重覆回輿已黃昏前途歸鳥逐茫然萬古
心澆愁付醺醪

薄醉不能眠還起步林樾落葉墜我襟仰見林際月缺月猶未
弦孤光自可悅倒浸潭上泉泉聲益清澈此時盤陀坐蕭然萬
感寂因悟浮生理俯仰盡陳迹前朝四百寺存者未什一何用
弔金元吾身亦過客不知奸諛輩抵死竟何得漸臺空抱斗瀉
池早遺璧西陵奏伎散霸圖隨銷滅悠悠青史事一部從誰說
茅庵如可借十年願面壁危崖東南傾淒涼望城闕浩歌答松
風且復陶今夕

連日山游卽事成吟歸寓後綴錄之以代游記共得四十

首
錄二

絕愛松聲間水聲龍王堂下一泓清靈泉似欲句人住流出山

門便不鳴

龍泉庵俗呼龍王堂連日借宿於此

真見秦頭壓日偏孤亭突兀倚層巔碧雲已鑿衣冠墓此地誰

知別有天

宛內監劉連印墳院俗呼獅子窩其地適當峽口長廊下臨萬壽山昆明湖一覽可盡壁

問自署碧雲天劉爲光緒初年總管宮中呼爲印劉聲勢在李連英之上宜其無復忌憚也

橘叟熙民枉過各出新詩見示再疊前韻奉呈並簡薑齋

索和

客居詩思清如水豈有心葩發意蕊雪窗連日恣鑿吟只當借
杯澆磊塊舊人自怕看新曆不記年頭與歲尾蟄居坏戶忽三
冬歸夢重山逾萬里長安舊雨近益稀晨夕素心祇數子忍寒
自笑座無氈命駕何期車接軌太邱重德今復翁周子苦吟類
無已眼看出手盡珠璣那更磨光索癢瘡瀛臺明日慶歲朝吾

廚自煮雙弓米

今年臘八
新曆元旦

爲

聯吟因憶西山游季秋風日正清

美樂全居士豪於詩定知見獵猶心喜可無妙句寫銀鈎浣花
新製桃花紙小別初爲旬日期僂計還轅已輪指煖閣梅花應
盛開小園菜甲須鋤理比來談藝數過從每喜鄰居近盈咫玉
竦金鼇下直餘斜街花市閉門裏瓊瑤開出詩世界難得德星
俱聚此騷壇一幟待公張守玄寧羨車生耳

讀史雜言

檀公卅六策事急猶有走南越與北胡逋逃足淵藪
二戶養一兵元和亦已憊廟堂尙有人再舉平鄆蔡

山陽潘四農養一齋集巴陵吳南屏梓湖詩文錄廿年前
常置案頭庚子亂後久不見忽於敝篋得之漫題寄意

東坡南遷攜二友截斷衆流取陶柳定庵自敝三別好百川經

義已芻狗讀書不讀漢後書明人高論吾無取平生心折者兩
賢山陽潘翁梓湖叟潘詩力探李杜源吳文恥落歸方後公車
聲名滿都下累試春官終不售儀徵禮羅近莫致湘鄉石交晚
逾厚卽論人品亦峻絕微獨著書能不朽論衡枕祕竊自珍持
質同人或然否急裝草草出國門安得五車挾之走已作銀杯
羽化看豈知蓋篋塵埋久久別相逢味勝初讀蘇嘗聞說廷秀
半生汎濫竟何得返觀祇益吾顏忸素書一卷有餘師不必名
山探二酉邇來復愛杜黃岡饑鳳哀鳴更無偶

近代詩鈔

志 銳

銳字伯愚滿洲人官烏里雅蘇臺參贊有廓軒竹枝詞

布爾哈蘇第二台

譯名並柳樹溝今存

布爾哈蘇在半山當年楊柳已凋殘征車到此渾無阻兩馬齊

驅換駕竿

北行到此路寬無轍迹例換兩馬架竿以利過行

駕竿車

車前橫木索綯穿駕起渾如器在懸須識此中風浪少穩於春

水上天船

車前橫木長丈餘以繩貫於轅轅外二馬木端置鞍上二人跨馬急馳一時可行六十里車輪亦用七尺

長軸安於車尾絕無傾覆顛簸之苦

奎蘇圖第五台

路到奎蘇沙積多車行高下盡陂陀每將碎石堆成塚拜罷行

近代詩鈔

志 銳

人始敢過

沿路達高坡輒以碎石堆砌而成

烏蘭哈達第十台

譯言紅石也

烏蘭哈達路脩長馬去如飛鞭策忙百廿里程一時許山花寥

落馬蘭香

此路經兩山夾峙石皆如桑成者上生小花繁似錦至

小人草

蕊紅瓣白錦團窩聞得蒙醫喚那何略有微香根自臭從來到

處小人多

張文端子微香根臭羊馬不食名小四朵白瓣紅蕊形

那何能瘵瘡疾

叟吉布拉克第二十一台

譯山谷中泉也

叟吉初逢廿一台老榆合抱路旁栽誰將天上靈根種移向荒

寒大地來

行大廿小台榆計三程千六七百里中途未見一樹至此道旁

上皴有皮割裂之深土二寸呼為數百年樹物也

金桃樹

童山到處產金桃御用雕弓飭錦條東箭南金共遺意豈惟西

域進葡萄

金桃樹大如指高一二尺皮金黃色質堅而厚飾弓矢可隔潮氣進御弓矢皆用之不可僭也察哈爾

蒙古列有識葉綠花黃與丹無異土人呼為哈喇根訥茨茨格凡花皆為茨茨格人

扎拉圖第二十八台

譯兩水合流也

雙峽沙深老樹秋車平如水放中流行人觸起滄洲感欲覓當

年顧虎頭

兩山夾河沙深數寸平穩如舟峽中老樹位置得峻山峯壁立削成巖然雲林怪石枯樹圖畫幽奇險峻

無出其右真塞外奇景也惜無畫工為之寫照為恨事耳

廩羊分賞蒙兵

烹羊食罷分餘惠守候渾如雞鶩爭欲使盡教嘗一臠可憐無

處覓陳平

大臣每台例有廩羊二支自攜六七人雖日食罷而所餘尚多如不過問必致折價以千例禁人每

視散給台兵爭取頃刻即盡遇則不得

哈比爾噶布拉克

譯山十四出泉

哈比軍台路脩阻迴環亂石滿崗巒我騎款段猶顛蹶不獨崎

嶇蜀道難

此行難行萬山之險沙石車馬緩行猶虞厥焉

蒙古婚嫁

牛羊駝馬稱家私願結朱陳聘不辭僥倖生男可偕老三年不

育是歸期

男家以牲畜為聘女家無絀畜三年內生子應得外家財產一牛如三年不育勒令大歸并追還原聘聽

其擇人再聽焉

翁格第四十二台

譯河名

青青河畔草姍姍澈底澄清少急湍翁格台前頻立馬心隨流

水渡桑乾

河從西北杭愛山東南流徑歸化城入桑乾

內札薩克粧束

雙辮平分戴佛冠紺珠纍綴任人看束腰箭袖戎裝小顧盼生

姿在據鞍

外札薩克粧束

髮分雙扇用膠多箭袖高低似翅拖命婦胭脂紅兩頰教人誤

認醉顏酖

髮分又加一層摺簾似翅挂於項前用膠塗之不散箭袖於肘

庶人之妻不得帶用

哈拉鈕棟弟四十五台

譯哈拉山下有三井棟也

內盟游牧軍台盡杭愛山台是外旗文字不同粧束改居民爭

睹漢官儀

入杭愛台爲烏里雅蘇台所管即外札薩克軍

宿推河聞灘聲

客心孤迴早驚秋枕上灘聲吼似牛二十年前巫峽裏一蓬煙

月下夔州

鄂羅蓋弟五十二台

譯未詳

羣山萬壑碧無際百折蜿蜒一路明試向最高峯上望遠人如

蝮馬如鼯

九驛路在萬山之中甫登一峯遠視對山細路如線凡

杭愛山中道上

五月披裘冷不禁戎衣小隊涉遙岑清懷難共山靈語但聽松

濤萬壑音

閏五月初二日山頭見雪

一望寒山翠色稠日光遙射雪光浮笑他不及征夫健未見秋

風已白頭

烏塔弟五十三台

譯一山口也

如茵碧草秀山容曲水河邊一笑逢怪石堆纍滿崖谷橫看成

嶺側成峯

此台在推河上游沿河行大山坡怪石浮置頗具嶺各勢

烏蘭本巴弟五十七台

譯紅山色也

曲路沿溪轉不停山頭積雪草偏青黃花滿地無名識欲補靈

均楚些經沿溪曲路層折如窮積之雪土銀人亦不草皆青綠者見高四

寸葉如艾叢生子根每叢十梗餘一桑遍水四瓣生鵝紅黃者高蕊不含盈寸花貼落則

花 蕙生一清潔土人云置皮衣內可遮蟲其最者叢下結如洋綉毬

、牛車

百輛牛車列一行鐸聲零斷響郎當胡兒閒理邊城曲一夜征

人欲斷腸商販皆以牛車載貨起人科二城數百輛聯為一聞

數十里與夫皆胡抵夜則能成寐